

說文解字義證

說文解字第十一 義證第三十六

曲阜桂馥學



二水也閩凡林之屬皆從林之切

集韻閩人謂水曰林



水行也從林沝沝突忽也力求切

本書沝籀文作𣶒此與樹皆本籀文

水行也者字林同詩常武如川之流




篆文從水

從水者變籀文



徒行厲水也從林從步時攝切

徒行厲水也者當作瀾本書脉或作瀾履石渡水也廣韻  
 涉徒行渡水也廣雅涉渡也方言過度謂之涉濟注云猶  
 今云濟度釋水濟有深涉深則厲淺則揭揭者揭衣也以  
 衣涉水為厲絲膝以下為揭絲膝以上為涉每帶以上為  
 厲詩濟有深涉傳云由膝以上為涉劉向九歎擢舟杭以  
 橫瀾兮又云橫汨羅以下瀾王注瀾渡也通作厲列子說  
 符篇縣水三十仞園流九十里有一丈夫方將厲  
 之上林賦越壑厲水大人賦橫厲飛泉以正東


 篆文從水

文三 重二



水厓人所賓附瀕蹙不前而止從頁從涉凡瀕之屬

皆從瀕  
符頁切

水厓人所賓附者瀕賓聲相近後漢書張衡傳翺儀處彼  
 湘瀕注云瀕水涯也宋書何尚之傳袁淑與尚之書舍南  
 瀕之操尚之宅在南湖寺側故書云南瀕毛詩所謂于以  
 采蘋南湖之瀕也詩召曼池之竭矣不云自瀕傳云頻厓

BRUNNEN

切符眞

說文解字義證

連筠篴叢書

施病心而暗其里 從瀕卑  
聲者當為從瀕從卑瀕亦聲

文二

水小流也周禮匠人為溝洫耜廣五寸二耜為耦一

耦之伐廣尺深尺謂之倍倍謂之遂倍遂曰溝倍

溝曰洫倍洫曰凡凡之屬皆從凡姑注切

水小流也者詩節南山正義云匠人注云壘中曰洫說文  
云洫小流也言水小不能自通須人引之則洫是壘中  
小水之名周禮云云耜考工記匠人丈彼云匠人為溝  
洫耜廣五寸二耜為耦一耦之伐廣尺深尺謂之畛田首  
倍之廣二尺深二尺謂之遂九夫為井井間廣四尺深四  
尺謂之溝方十里為成成間廣八尺深八尺謂之洫方百  
里為同同間廣二尋深二仞謂之浚浚案畛當為畛遂人  
凡治野夫間有遂遂上有徑十夫有溝溝上有畛百夫有  
洫洫上有涂千夫有澮澮上有道萬夫有川川上有路以  
達于畿注云遂溝洫澮皆所以通水於川也遂廣深各二

尺溝倍之洫倍溝澮廣二尋深二仞漢書食貨志以趙過  
為按粟都尉過能代田一晦三畝歲代處故曰代田古法  
也后稷始畊田以二耜為耦廣尺深尺曰畊長終晦一晦  
三畊一次三百畊而播種於三畊中顏注畊壟也楊慎曰  
呂覽引后稷書曰能使吾土靖而畊治土乎又曰上田棄  
畝下田棄畊又耜博八寸所以成畊也又曰畝欲廣以平  
畊欲小以深以此證之則漢  
志言畊田始於后稷有徵

古文从田從川

古文从田從川從川者徐鍇本作古文从田川自用之川  
也後漢書章帝紀注引作田中之溝馥案鄭注書益稷云  
畝田間溝也禹貢羽畎夏翟鄭注周禮染人引作畎呂氏  
春秋辨上篇故晦欲廣以平畊欲小以深下得陰上得陽  
然後成生稽康養生  
論或益之以畊澮

篆文从田犬聲六畎為一畝

書益稷澮畎澮距川傳云  
一畝之間廣尺深尺曰畎

六畝爲一畝者程君瑤田曰猶云六尺爲一畝也又曰溝  
洫廣深之度起於畝考工記匠人爲溝洫耜廣五寸二耜  
爲耦一耦之伐廣尺深尺謂之畝此人力所爲在田閒者  
然田閒之畝又分爲兩事一爲百畝行列之畝因以爲田  
閒水道之始一夫百畝中容萬步司馬法六尺爲步步百  
爲畝然則畝廣六尺長六百尺詩所謂禾易長畝是也百  
畝則百畝矣陸德明釋文引司馬云壠上曰畝壠中曰畝  
指謂此畝也壠陂阪之名平地中之高者也有畝然後有  
壠有壠斯有畝故曰壠上曰畝兩壠之中則畝故曰隴中  
曰畝也周書曰若稽田既勤數畝惟其陳脩爲厥疆畝接  
爾雅田一歲曰蓄方言云反草曰蓄然則數蓄者以耜發  
田爲初耕反草之事既耕去其草矣然後陳其行列而脩  
治之以爲疆畝此古人爲畝之事也信南山之詩我疆我  
理南東其畝畫其經界之謂疆分其地理之謂理是故疆  
之以成井所以別夫也理之以成畝所以爲畝也畝有東  
南故畝有縱橫順其地理以分之而已矣故左傳賓婦人  
曰先王疆理天下物土之宜而布其利今吾子疆理諸侯  
而曰盡東其畝而已無顧土宜所謂土宜者東南之宜所  
謂物而布之者相其地理之順以分畫之云爾此古人爲  
畝之道也一爲播種行列之畝漢書食貨志趙過能爲代

田一畝三畝歲代處故曰代田古法也后稷始為畝田以  
二耜為耦廣尺深尺為畝長終畝一夫三百畝而播種於  
畝中苗生葉以上稍耨畝草因墾其土以附苗根故其詩  
曰或芸或芋黍稷薿薿芸除草也耔附根也言苗稍壯每  
耨輒附根比盛暑畝盡而根深能風與旱故薿薿而盛也  
夫畝廣六尺畝廣三尺畝三畝三尺也餘三尺與畝相間分  
高下所謂壟也以長畝平列百行是為一夫百畝廣六百  
尺其始也畝一壟蓋百畝百壟今更為畝以播種一夫三  
百畝亦三百壟耨壟草墾其上於畝以附根則畝浸高壟  
浸下墾墾屢附壟與畝平故曰畝盡而根深也古人畝田  
芸芋之法畧具於此

## 文一 重二

水流澮澮也方百里為一廣二尋深二仞凡一之屬

皆從一古外切

徐鉉本有讀  
若澮同四字



14

靈石楊氏棣

水流澮澮也者。《澮》聲相近。釋名注：溝曰澮。澮會也。小溝之所聚會也。釋水：水注川曰谿，注谿曰谷，注谷曰溝，注溝曰澮。注澮曰澮。郭注：此皆道水轉相灌注所入之處。名周禮稻人以澮寫水。注云：澮田尾去水大溝。孟子溝澮皆益鄭注：尚書畎田開溝也。澮所以通水於川也。崔氏集：崔瑗爲汲令，有澤田不殖，五穀瑗爲開澮，興造民賴其利。方百里爲《廣》二尋深二仞者，周禮遂人千夫有澮，注云：澮廣二尋深二仞。書益稷傳云：方百里爲同，同開廣二尋深二仞。謂之澮。莊子庚桑楚篇：夫尋常之溝，釋文：八尺曰尋，倍尋曰常。尋常之溝，則周禮澮澮之廣深也。澮廣深八尺，澮廣二尋深二仞也。

茶

水生厓石閒粼粼也從々弄聲

切力珍

水生厠厠鄰鄰也者李善注江賦引作水生崖間鄰鄰然也廣韻鄰水在厠厠開詩揚之水白厠鄰鄰傳云鄰鄰清也

貫穿通流水也虞書曰潞々々距川言深々々之水

會為川也凡川之屬皆從川

昌緣切

貫穿通流水也者川穿聲相近貫當為冊士篇川流也貫穿也通也釋名川穿也李巡注爾雅水流而分交錯相穿故曰川也李肅遠曰水通之斯為川塞之斯為淵考工記匠人為溝洫專達於川注云謂洫直至於川復無所注入左傳宣汾洫馮謂宣即貫穿通流之意不流則為洫矣虞書曰潞々々距川者益稷文彼作畎潫鄭注潫所以通水於川也言深々々之水會為川也者呂祖謙曰川流畎潫轉相入以達於海所以使之有所歸也金履祥曰禹貢不曰通流而曰潞源者所謂潫畎潫距川則田里無水潦壅塞之患也

水脈也從川在一下一地也至省聲一曰水冥至也

古靈切

水脈也者本書永下云象水理之長從川在一下一地也者本書漢下云水脈行地中潏潏然一曰水冥至

也者或作溟滓玉  
篇溟滓水盛兒

古文至不省

水廣也從川𠂔聲易曰包兕用馮河

呼光切

水廣也者通作荒桓十三年左傳莫敖箴于荒谷盛宏之  
荆州記江陵縣東有三湖湖東有水名長谷水經注湖水  
東通荒谷易曰包兕用馮河者泰卦  
文彼作荒釋文漢書并作兕馮當爲湖

水流也從川或聲

于逼切

水流也者六書故引作水流  
疾滅滅也本書滅疾流也

水流也從川曰聲

于筆切

水流也者廣雅見流也或作汨徐鍇引相如賦汨乎順  
流楚辭九章浩浩沅湘兮分流汨兮王注汨流也九歎江  
湘油油長流汨兮  
南都賦漻漻滅汨

川 水 流 甯 甯 也 從 川 列 省 聲

良辭切

水流甯甯也者甯甯分流也本書說水裂去也裂當爲甯列省聲者徐鍇本作步省聲

川 邑 四 方 有 水 自 邕 城 池 者 從 川 從 邑

於容切

徐鍇木有讀若雖三字

四方有水自邕城池者者城廣韻引作成漢書王莽傳邕河水不流通作雍周禮敘官雍氏注云雍謂隄防止水者也信九年穀梁傳毋雍泉詩泂水箋辟雍築土雖木之外圓如壁桓譚新論辟雍實水其中以圖雍之地志右扶風雍縣應劭曰四面積高曰雍水經注雍奴縣四方有水曰雍不流曰奴歸藏上有高臺下有雍池淮南時則訓補決竇塞蹊徑過溝瀆止流水雖谿谷又作雍漢書五行志雍河三日不流俗作雍史記秦本紀河決不可復壅巴陵有澧湖趙冬曦詩序云澧湖者沅湘澧汨之餘波夏潦奔注則決爲此湖馥案范氏岳陽風土記作澧湖失其義矣

〇〇 甯 文 邕

靈石楊氏某

害也從一雖川春秋傳曰川雖為澤凶

祖才切

害也者玉篇天反時為從通作災玉篇災害也書堯典告災肆赦傳云過而有害當緩赦之倍十三年左傳天災流行中庸災害竝至史記龜策傳身乃無災班固幽通賦彌五辟而成災又通作裁釋詁裁危也詩大雅不裁我躬中庸裁及其身者也又通作甾史記秦始皇本紀甾害絕息又通作蓄詩大雅無甾無害從一雖川者雖當為邑五經文字從象川不通形國語為川者洩之使導晉書四瀆者天地之所以宜洩其氣不可塞也春秋傳曰川雖為澤凶者宣十二年左傳文彼作川壅為澤無凶字


剛直也從仰古文信從川取其不舍晝夜論語曰

子路侃侃如也

空旱切

剛直也者廣韻侃強直也論語吾未見剛者又云友直從仰仰古文信者本書剛古文作𠂔亦從古文信從川取其不舍晝夜者馥謂當有川亦啓三字論語子在川上日逝者如斯夫不舍晝夜論語曰子路侃侃如也者彼

云子路行行如也冉  
有子貢侃侃如也



水中可居曰州周繞其傍從重川昔堯遭洪水民居  
水中高土故曰九州詩曰在河之州一曰州疇也各

疇其土而生之

職流切

水中可居曰州者釋水文李巡云四方皆有水中中央獨可  
居孫炎曰水有平地可居者也廣雅州居也釋名水中可  
居者曰州州聚也人及鳥物所聚息之處也方言水中可  
居爲州王注楚詞水中可居者曰州孔晁注周書王會水  
中可居曰州晉書殷仲堪傳水中有岸其名爲州南史益  
州市橋忽生一州俗作洲書舜典流其工于幽洲傳云水  
中可居者曰洲說命人宅于河傳云河洲也正義水不可  
居而入宅於河知在河之洲也海外北經范林方三百里  
在三桑東洲環其下注云洲水中可居者楚語雲連徒洲  
韋注水中之可居曰洲墨子尚賢篇昔者傅說居北海之  
洲園土之上淮南地形訓樂民擊閭在崑崙弱水之洲高

注水中可居曰洲漢書賈損之傳皆在南方海中洲居顓

者曰洲此地在河之洲隨水高下未嘗淪沒故號靈洲文

選吳郡賦洲渚憑隆五臣注水中可居曰洲周繞其旁

者周當爲州州與聲相近昔堯遭洪水民居水中高土

故曰九州者書堯典帝曰咨四岳湯湯洪水方割蕩蕩懷

山襄陵浩浩滔天下民其咨新語四瀆未通洪水爲害禹

乃決江疏河通之四瀆致之於海大小相引高下相受百

川順流各歸其所然後人民得去高險處平土禹貢是降

邱宅土鄭注水害既除於是下邱居土舜典肇十有二州

傳云肇始也禹治水之後舜分冀州爲幽州并州分青州

爲營州始置十二州馬注禹平水土置九州舜以冀州之

北廣大分置并州燕齊遼遠分燕置幽州分齊爲營州於

是爲十二州在九州之後也鄭氏曰舜以青州越海分齊

爲營冀州南北太遠分魏爲并燕以北爲幽楊慎曰淮南

子神農大九州桂州迎州神州等是也至黃帝以來惟於

神州之內分爲九州黃帝以後少昊高辛皆仍九州惟舜

時暫置十二州故書曰肇十有二州肇之爲言始也前此

九州而今爲十二州也至夏還爲九州馭案堯遭洪水之

時十二州尙未肇作仍是黃帝以來之九州故曰九州魯



古文州

文十 重三

語其工氏之子曰后土能平九土韋昭云九州之士春秋  
命歷敘人皇氏分九州是也惟班固皇甫謐別為一說地  
理志堯遭洪水懷山襄陵天下分絕為十二州使禹治之  
水土既平制九州帝王世紀堯遭洪水分為十二州今虞  
書是也及禹平水土還為九州今禹貢是也故案此皆謂  
堯為十二州與馬鄭異詩曰在河之州者關雎文彼作  
洲傳云水中可居者曰洲一日州疇也各疇其土而生  
之者風俗通周禮五黨為州州疇也本書疇耕治之田也



水原也象水流成川形凡泉之屬皆從泉

疾絲切

河圖九州殊題水泉剛柔各異青徐其泉鹹以酸荊揚其泉  
酸以苦梁州其泉苦以辛兗豫其泉甘以酸雍冀其泉辛以  
鹹

水原也者一切經音義十二水自出為泉孟子源泉混混  
象水流成川形者泉布上字中畫皆斷作汨上象水



靈石楊氏集

原下象川形廿氏星經天泉十星主灌溉溝渠之事故案書益稷濬畎澮距川泉通於畎澮流出會為川也禹貢九川滌源疏滌源泉源無使閉塞則九州之川通流以入於海也文子邱夷而泉塞信九年穀梁傳毋雍泉周語晉聞古之長民者不防川



泉水也從泉絲聲讀若飯

符萬切

泉水也者徐鍇曰阪泉本此字信二十五年左傳遇黃帝戰於阪泉之兆

文二



三泉也闕凡泉之屬皆從泉

詳遵切



水泉本也從巛出厂下

愚袁切

水泉本也者玉篇徐鍇韻譜復古編洪武正韻並作水原本也一切經音義三原水之本也昭九年左傳木水之有本原孟子有本者如是文子原泉所出也委泉所聚也漢書司馬相如傳乃堙洪原顏注水本日原傳又云梁孫原

李奇曰於孫水之本作橋梁俗作源北堂書鈔水背源而流竭禹貢九川滌源史記作原詩竹竿泉源在左傳云泉源小水之源月令命有司爲民祈祀山川百源注云衆水始所出爲百源學記或源也或委也注云源泉所來也典引斟酌道德之淵源蔡邕注云水本日源



篆文從泉

篆文從泉則從泉者本籀文

文二 重一



長也象水至理之長詩曰江之永矣凡永之屬皆從

永

于憬切

長也者釋詁文方言同書堯典曰永星火傳云永長也舜典歌永言史記作歌長言馬本同詩卷耳維以不永懷常棣況也永歎文王永言配命傳並云永長也考槃永矢弗諼振鷺以永終譽既醉永錫爾類楚茨永錫爾極箋並云

永長周禮大祝求永貞注云永長也土冠禮永乃保之注  
 云永長也中庸引詩以永終譽注云永長也尚書中侯配  
 永循機注云永長也三輔黃圖永巷永長也宮中之長巷  
 東觀漢記鮑永字君長 象水至理之長者徐鍇本象水  
 至理之長永也字鑑同 詩曰江之  
 永矣者後人加之永下引詩作永

永

水長也從永𠂔聲詩曰江之永矣

余亮切

水長也者釋詁永長也齊侯鐘銘子子孫孫永保用育  
 蜀志彭永字永年通作養夏小正時有養日時有養夜養  
 長也 詩曰江之永矣者周南漢廣文彼作永傳云永長  
 通作永文選登樓賦川既漾而濟深李善引韓詩江之漾  
 矣薛君云漾長也馥案韓詩本作永  
 因賦永字亦寫作漾李注多如此

文二

永

水之哀流別也從反永凡辰之屬皆從辰讀若稗縣

切 匹卦

水之裏流別也者本書派別水也集韻辰水邪流五經文  
字辰象邪流之形從反永者徐鍇曰反卽分辰也讀  
若裨縣者徐鍇本作讀若蜀裨縣讀  
案裨縣屬琅邪蜀無裨縣有郛縣



# 血理分裏行體者從辰從血

莫獲切

血理分裏行體者者徐鍇本作行體中者釋名腎主引水  
氣灌注諸脈也文子人生一月而膏二月而脈注云漸生  
筋脈鹽鐵論扁鵲撫息脈而知疾所由生拙醫不知脈理  
之賤血氣之分妄刺而無益於疾傷肌膚而已矣僖十五  
年左傳亂氣發憤陰血周作張脈憤興外彊中乾公孫尼  
曰人有九竅脈理當川谷也春秋繁露體有空竅理脈川  
谷之象也易通卦驗每卦六爻既通於四時二十四烝人  
之四支二十四脈亦存於期燕丹子脈勇之人怒而面青  
史記扁鵲過齊桓侯曰君有疾在血脈不治恐深漢書張  
敖傳仰絕亢而死蘇林曰亢頸大脈也三國典畧周武帝  
不豫柳昇私問姚僧坦曰至尊尊眩暈日久脈候何如潛夫  
論凡治病者必先知脈之虛實氣之所結然後爲之方故  
疾可愈而壽可長也高湛養生論王叔和撰成脈經十卷  
唐書許允宗言古之上醫惟是別脈脈既精別然後識病

輟耕錄人稟天地五行之氣以生手三陽三陰足三陽三陰合爲十二經以環絡一身往來流通無少間斷其脈應於兩手三部男夫脈者血也脈不自動氣實使之故有九候之法內經云脈者血之府說文云血理分衰行體者從爪從血亦作脈通釋云五藏六府之氣血分流行四體也釋名云脈幕也幕給一體字從肉從爪爪音皆拜切水之邪流也脈字從爪取脈行之象無求子云脈之字從肉從爪又作脈蓋脈以肉爲陽髓以血爲陰華佗云脈者血氣之先也氣血盛則脈盛氣血衰則脈衰血熱則脈數血寒則脈遲血微則脈弱氣血平則脈緩晉王叔和分爲七表八裏可謂詳且至矣史記正義云三陽之脈從手至頭長三尺五六合三寸三陰之脈從手至胃中長三尺五寸六合一丈八尺五寸六三寸合二丈一尺足三陽之脈從足至頭長八尺六寸八分四釐八毫足三陰之脈從足至胃中長六尺五寸六分三釐三毫凡脈長一十六丈二尺也此所謂十二經脈長短之數也寸口脈之大會手太陰之動也人一日一夜凡一萬三千五百行三寸呼吸定息脈行六寸人一日一夜凡一萬三千五百

百吸脈行五十周於身漏水下百刻營衛行陽二十五度行陰二十五度為一周也故五度復會於手太陰寸口者五藏六腑之所終始故法於寸口也

肓或從肉

籀文

衰視也從辰從見

莫狄切

衰視也者廣雅視視也釋詁視視也郭注視謂相視也周語古者太史順時視士韋注視視也文選西京賦視往昔之遺館薛綜注視視也後漢書杜篤傳視平樂注云視視也宋書周朗傳視我周之軫迹

籀文

文三 重三

泉出通川為谷從水半見出於口凡谷之屬皆從谷

古蘇切

泉出通川為谷者一切經音義九引作泉之通川者曰谷  
本書隕通溝也古文從谷急就篇輸屬詔作谿谷山頤注  
山瀆無所通曰谿泉出通川曰谷信九年穀梁傳毋雍泉  
范注專水利以障谷信三年公羊傳無障谷何注無障斷  
川谷專水利也水注川曰溪注溪曰谷漢書司馬相如傳  
振溪通谷文子川竭而谷虛說苑武王伐紂過谷發梁示  
民無返志也釋水注川曰谿注谿曰谷李巡云水出於山  
入於川為谿水相屬曰谷從水半見者本書西水  
半見於上出於口者鄭子貢居谷口

山瀆無所通者從谷奚聲

苦兮切

山瀆無所通者釋山文郭注所謂窮瀆者釋邱嘉瀆汜  
郭注水無所通者廣雅谿谷也定七年左傳敗尹氏於谿  
谷隱三年左傳澗谿沼沚之毛注云谿亦澗也老子為天  
下谿王注谿不求物而物自歸之呂氏春秋慎行篇行不  
可不孰不孰如赴深谿高注有水曰澗無水曰谿春秋說  
題辭谿者隱也深虛貌山宋均注無水曰谷有水曰谿管

子度地篇山之溝一有水一毋水者命曰谷水

通

通谷也從谷害聲

呼括切

通谷也者玉篇無所不流曰通也上林賦鈴咽澹問宜春宮賦通谷儲乎鈐領水經注引爾雅通谷者微郭景純曰

微水邊通谷也

空

空谷也從谷琴聲

落蕭切

空谷也者廣雅琴空也詩白駒在彼空谷韓作穹谷薛君章句穹谷深谷也又桑柔有空大谷

大

大長谷也從谷龍聲讀若舊

盧紅切

大長谷也者集韻龍澗谷空兒漢書司馬相如傳巖巖深山之徑澹兮音灼曰澹音龍古龍字也蕭該音義曰澹

或作龍長大貌也吳儼浮邱仙賦澹壑與費

谷

谷中響也從谷左聲

戶萌切



谷中響也者法言問道篇或問大聲曰非雷非霆隱隱絃  
絃久而愈盈王巾頭陀寺碑夫幽谷無私有至斯響高僧  
傳谷之應聲語雄而響厲孫楚笑賦亢洪聲於  
通谷一切經音義二畝字從谷取響應不窮也

𡵓

深通川也從谷從𠂔𠂔殘地阮坎意也虞書曰容畎

澮距川

私閏切

本書畎从叔从谷此容畎之半體

深通川也者書舜典潞川傳云有流川則深之使通利釋  
言潞深也舍人云潞下之深也鄭氏易恒初六潞恆象曰  
始求深也通作浚詩小弁其浚匪泉莊九年春秋浚洙  
從谷從𠂔𠂔殘地阮坎意也者韻會引徐鍇木从𠂔谷𠂔  
殘也谷阮坎意也虞書曰容畎澮距川  
者益稷文本書川下引作容𠂔𠂔距川

𡵓

容或從水

𡵓

古文容



望山谷裕裕青也從谷干聲

倉紉切

望山谷裕裕青也者高唐賦仰視山巔蕭何芊芊李善云說文曰裕望山谷芊芊青也干芊古字通韻藻當云望山谷裕裕青也裕芊古字通楊慎曰陸機文賦清麗干眠注光色盛貌一作裕絲望山谷青裕裕也見說文轉作芊絲韋莊詩可憐芳草更芊絲列子美哉國乎鬱鬱芊芊潘岳藉田賦碧色肅其芊芊又通作仵顏延年觀北湖田收詩積翠亦  
蕙仵

文八 重二



凍也象水凝之形凡人之屬皆從人

筆陵切

凍也者廣韻久水凍也玉篇久冬寒水結也韓詩說久者窮谷陰氣所聚象水凝之形者考王記水有時以凝周書時訓解立冬之日水始冰月令孟冬之月水始冰淮南子水冬則凝而為冰漢書五行志劉向以為冰者陰之盛而水滯者也潘岳寫婦賦水濺濺而微凝本書濺薄冰也論衡論歲篇隆冬之月寒氣用事水凝為冰文子冬冰可

卷二 望 文八 重二 三 連筠 蔣叢書

折夏條可結馥案本書籀文  
斷云从草在公中公寒故折

水

水堅也從公從水

魚陵切

王覺九經明音後人以冰代公以凝代冰  
炎武曰公於隸楷不能獨成文故後人加水焉

水堅也者增韻字鑑洪武正韻竝作冰堅懷舊賦水漸軻  
以凝注李善引字林凝冰也馥謂冰下脫堅字當云凝公  
堅也七命霜鏐水凝李善引字書凝冰之絜也馥謂水始  
公公未堅也水澤腹堅乃為堅公故曰堅公至易坤卦象  
曰履霜堅冰陰始凝也月令季冬之月冰方盛水澤腹堅  
注云腹厚也此月日在北陸冰堅厚之時也詩七月傳冰  
盛水腹堅則命取冰於山林昭四年左傳夫冰以風壯杜  
注冰因風寒而堅列子湯問篇堅冰立散莊子在宥篇其  
寒凝冰陸機苦寒行渴飲堅冰漿又飲馬長城窟行俯涉  
堅冰川樂府陽篇冰堅可踏王嘉拾遺記井池冰堅可  
琢張衡饋賦冬冰之凝何如春冰之消淮南說山訓冰  
之泮愈其凝也晏子陰冰凝陽冰厚五寸者寒溫節也尸  
子朔方之寒冰厚六尺又云大寒凝冰裂地淮南詮言訓  
大寒地坼冰凝論衡變動篇北方至寒凝冰坼土劉氏新

論大質篇大寒慘悽凝冰裂地戴延之西征記凌雲臺有  
冰井以六月持去經日猶堅梁武帝詩白水凝澗窟雪賦  
湯谷凝溫泉冰隋書律歷志十一月大雪節冰益壯虛思  
道傳壯冰云厚晉書庾冰字季堅漢繁陽令楊君碑陰李  
冰元

固

# 凝

俗冰從凝

釋器冰脂也孫炎本作凝脂 書皋陶謨庶績其凝古文作  
冰 考工記凝土以為器注云凝堅也 漢書五行志工冶  
鑄金鐵金鐵冰滯澗堅不成者眾劉敞  
日冰音凝 陸機演連珠沈寒凝海

# 凜

寒也從人凜聲 切

寒也者李善注寡婦賦引同本書凜寒也俗作凜廣韻凜  
寒狀閒居賦於是凜秋暑退李善引字書凜寒也文選序  
增冰為積水所成積水曾微增冰之凜何哉  
五臣注凜冷也風俗通暑則鬱烝寒則凜凍

# 靖

寒也從人青聲 切

寒也者廣雅同本書灑洽寒也曲禮凡為人子之禮冬溫而夏清注云溫以禦其寒清以致其涼呂氏春秋仲春紀大熱在上民清是走有度篇冬不用簋非愛簋也清有餘也注云清寒也通作清莊子人閒世篇襲無欲清之人釋文清字宜從之從之者假借也

凍

久也從久東聲

多貢切

久也者廣韻凍凍凌月令孟冬地始凍初學記引風俗通冰壯曰凍馥案左傳冰以風壯

臍

久出也從久朕聲詩曰納于臍陰

力膺切

久出也者詩七月三之日納于凌陰四之日其蚤孫皓問藏之既晚出之又蚤何鄭荅幽上晚寒故夏正月納冰夏二月仲春大簇用事陽氣出地始溫故禮應開冰先薦寢廟此詩言冰出之候也天官凌人春始治鑑夏頒冰掌事此周禮冰出之候也月令仲春天子乃獻羔開冰先薦寢廟此禮記冰出之候也昭四年左傳古者日在北陸而藏冰西陸朝覲而出之又云祭寒而藏之獻羔而啟之此春秋冰出之候也或云出當為宙玉篇臍久室也天官凌人

掌冰正歲十有二月令斬冰三其凌注云凌冰室也呂氏  
春秋季冬紀冰方盛水澤復命取冰冰已入注云人凌室  
也詩云二之日鑿冰冲冲三之日納于凌陰此之謂也漢  
書成帝紀大官凌室火惠帝紀未央宮凌室災顏注並云  
凌室藏冰之室也三輔黃圖凌室在未央宮鄴中記冰井  
臺則凌室也又云冰井臺有冰室三水經注河水云朝廷  
又置冰室於斯阜室內有冰井春秋左傳曰日在北陸而  
藏冰常以十二月采冰於河津之隘峽石之阿北陰之中  
卽邠詩二之日鑿冰冲冲矣而納于井室所謂納于凌陰  
者也詩曰納于騰陰者幽風七月文彼作凌傳云凌陰  
冰室也釋文云說文作騰

### 騰或從凌

流久也從久斯聲

息移切

流久也者晉書音義引字林同玉篇斯解久也廣韻斯凌  
斯御覽引風俗通積冰曰凌又云冰流曰斯楚詞九歌流  
斯紛兮將來下王注流斯解冰也七諫赴湘沅之流斯兮  
王注與流斯俱浮劉歆遂初賦激流斯之謬淚兮後漢書

王霸傳及至虜沱河侯吏還白河水流漸崔鴻後趙錄石勒統步卒四萬濟河先是流斯風猛軍至冰泮濟畢流斯

大至

半傷也從久周聲

都僚切

半傷也者廣韻凋落木華海賦為凋為察通作彫廣雅彫傷也曹憲曰說文凋落之字从久論語歲寒然後知松栢之後彫也何晏謂松栢小彫傷釋文依字當作凋昭八年左傳民力彫盡杜云彫傷也通鑑李茂貞遺朱全忠書僕以獎甲彫弓從公陳力注云半殘為彫又通作雕晉書李重傳雕獎之迹

寒 四時盡也從久從寒古文終字

都宗切

月令天氣上騰地氣下降天地不通閉塞而成冬周書時訓解小雪之日虹藏不見又五天天氣上騰地氣下降又五日閉塞而成冬呂氏春秋貴信篇冬之德寒寒不信其地不剛地不剛則凍閉不開

四時盡也者御覽引作終也盡也玉篇冬終也廣雅冬終也白虎通五行篇冬之為言終也尸子冬為信北方為冬

冬終也漢書律歷志冬終也月令章句冬終也萬物於是終也三禮義宗十月立冬為節者冬終也立冬之時萬物終成本書時四時也廣韻冬四時之末也隱六年公羊傳春秋編年四時具然後為年六韜春道生萬物榮夏道長萬物成秋道斂萬物盈冬道藏萬物靜盈則藏藏則復起其知所終莫知所始史記歷書物乃成具生於東次順四時卒於冬分時索隱冬盡之後分為來春故曰冬分也陸機感時賦歷四時以迭感悲此歲之已寒傅元大寒賦五行條而竟驚兮四節紛而電逝諒暑往而寒來十二月而成歲

𠄎

古文冬從日

𠄎

銷也從公台聲

羊者切

銷也者一切經音義二說文治燒也三蒼治銷鑠也遭熱即流遇冷即合與冰同意故字從公海賦陽冰不治五臣注治銷也新論畫水錢冰與時銷釋

𠄎

寒也從公倉聲

初亮切



寒也者本書倉寒也廣雅倉寒也漢書枚乘傳欲湯之倉  
一人吹之百人揚之無益也不如絕薪止火而已鄭氏曰  
倉寒也通作滄列子湯問篇曰初出滄滄涼涼注云滄本  
又作倉周書曰天地之間有倉熱善用道者終無竭孔晁  
注倉寒也釋文云桓譚  
新論亦述此事作愴涼

冷

寒也從人令聲

魯打切

冷

寒也從人函聲

胡男切

寒也者  
廣雅同

凙

風寒也從人畢聲

卑吉切

風寒也者廣韻凙寒風詩  
七月釋文威說文作凙

凙

一之日凙次從人友聲

分勿切

一之日畢次者詩豳風七月文彼作威發傳云威  
發風寒也馥謂飄風發發匪風發兮皆此次字

寒

寒也從人栗聲

力質切

寒也者徐鍇木作寒兒也錯曰寒使人戰栗也玉篇栗栗  
冽寒兒通作慄方音蛩悋戰慄也釋詁戰慄懼也釋言凌  
慄也樊光注云水栗也書舜典夔夔齊慄石經作栗湯詁  
慄慄危懼詩黃鳥惴惴其慄莊子大宗師登高不慄史記  
義縱傳其後郡中不寒而慄漢書楊惲傳眾毀所歸不寒  
而慄又通作栗史記齊悼惠世家股戰而栗戴侗曰論語  
使民戰栗寒栗恐懼振搖不自止也

慄

寒也從人賴聲

洛帶切

玉篇無  
慄字

文十七

重三

冽

詩大東有冽洸泉傳云冽寒意也正義說文冽寒兒故字从  
夂又下泉正義云冽字當從夂玉篇冽寒氣也栗冽寒兒嘯  
覓文詳字彙登

卷三十一

二

連筠篠叢書

言三集三事言

靈石楊氏

賦列飄渺而清和  
李善引字林列寒兒長笛賦正瀏栗以風  
栗烈寒氣也  
穀案栗烈即凍冽  
列彼下泉傳云  
栗烈寒也  
本書  
應列風也  
列亦當為列  
又案詩東山箋云  
古者聲栗裂同是  
聲也

遺文一

雨 水從雲下也一象天口象雲水需其閒也凡雨之屬


皆從雨 王矩切

大戴禮曾子天圓篇陰陽之氣各盡其所則靜矣偏則風俱  
則雷交則電亂則霧和則雨陽氣勝則散為雨露陰氣勝則  
凝為霜雪 春秋元命苞陰陽和而為雨 春秋說題辭一歲三  
十六雨為天地氣上為雲天氣下為雨 春秋說題辭一歲三  
十六雨天地之氣宣十日小雨應天文十五日大雨以升運  
也 京房易飛候太平之時十日一雨凡歲三十六雨此休  
徵之祥時  
若之應

水從雲下也者隱九年左傳正義引同又云然則雨者天上下水之名御覽引釋名雨羽也如鳥羽動則散初學記引釋名雨水從雲下也雨者輔也言輔時生養詩雨無正序云雨自上下者也董仲舒雨雹對二氣之初然也若有若無若虛若實若方若圓攢聚相合其體稍重故雨乘虛而墜一象天者文子水之道上天為雨露下地為江河也者非水也石鼓文作雨一不出口

  
古文

當有古文  
文作

  
陰陽薄動雷雨生物者也從雨晶象回轉形

同

物理論積風成雷 孫子急電無停光疾雷無餘聲 洪範論陽用事百八十三日而終陰用事百八十三日而終雷出地百八十三日而入地百八十三日而復出地是其常經也 論語議雷震百里雷相附朱均注雷動百里故因以制國雷聲相附謂諸侯之政教所至相附也 鄭炎對事或問古者封建諸侯皆云百里取象於雷雷何取也炎曰易震說文解字義證

爲雷亦爲諸侯雷震驚百里曰何以知之炎曰以其數知之  
夫陽動爲九其數卅六陰爲八其數卅二震一陽動二陰靜  
故曰  
百里

陰陽薄動雷雨生物者也者呂氏春秋開春篇開春始雷  
則蟄蟲動矣韓詩外傳天施地化陰陽和合動以雷霆潤  
以風雨穀梁傳陰陽相薄感而爲雷淮南天文訓陰陽相  
薄感而爲雷激而爲霆亂而爲霧易繫辭雷風相薄又動  
萬物者莫疾乎雷又天地解而雷雨作雷雨作而百果草  
木皆甲坼又雷以動之又鼓之以雷霆潤之以風雨又天  
下雷行物與无妄九家易物受之以生无有災矣又云雷  
雨者興養萬物乾坤鑿度雷能鼓萬物息者起之閑者啟  
之洪範五行傳雷於天地爲長子以其首長萬物爲出入  
也雷二月出地百八十日雷出則萬物出八月入地百八  
十日雷入則萬物入入則除害出則興利人君之象也漢  
書五行志於易雷以二月出其卦曰歸妹言雷復歸入地則孕毓  
皆逸豫也以八月入其卦曰歸妹言雷復歸入地則孕毓  
根核保藏蟄蟲避盛陰之害出地則養長華實發揚隱伏  
宣盛陽之德入能除害出能興利人君之象也後漢書郎  
顓傳雷者所以開發萌芽避陰除害萬物須雷而解養雨

而潤故經曰雷以動之雨以潤之五經通義天所以有雷  
霆風雨霜雪霧霤何欲以成歲潤萬物因以見災異也  
蟲象回轉形者趙宦光曰說文欄壘疊欄欄壘疊  
並言蟲聲而獨雷言形他文不言雷有闕畧審矣

古文雷

亦古文雷

本書欄籀文作𩇛云刻本作雲雷象雲從云象雲回轉形古  
文作𩇛又同從云同也是云亦同意𩇛𩇛二𩇛當為回即古  
文𩇛字因下籀文誤為𩇛

籀文雷閒有回回雷聲也

籀文兩當  
有上一橫

籀文雷閒有回者當云籀文雷𩇛閒有回然則古文𩇛閒  
非回矣回雷聲也者詩終風𩇛𩇛其雷傳云暴若震雷  
之聲𩇛𩇛然馥謂𩇛𩇛猶回回也釋  
名雷𩇛也如轉物有所𩇛雷之聲也

雷

雨也齊人謂雷為賁從雨員聲

切

雨也者雨當為雷本書瀑疾雨也一日賁也馥案一日者別為一義非疾雨矣蓋謂雷也廣雅賁雷也從雨員聲者徐錯本有讀若混三字一日雲轉起也者玉篇賁雷起出雨也馥謂當為雲起

雷

古文賁

雷

雷餘聲也鈴鈴所以挺出萬物從雨廷聲

特丁切

雷餘聲也鈴鈴所以挺出萬物者雷挺聲相近易繫辭故之以雷霆釋文京云霆者雷之餘氣挺生萬物也說文同馥謂挺生當為挺出一切經音義二蒼頡篇霆霹靂也說文雷餘聲所以挺出萬物者也霆亦雷也釋天疾雷為霆文郭注雷之急擊者謂霹靂北堂書鈔引作疾雷謂之霆公羊傳霆擊夷伯之廟五經通義震與霆皆霹靂也漢書賈山傳雷霆之所擊無不摧折者顏注霆疾雷也楚元王傳雨雪雷霆顏注霆雷之急者也

雷

雷雷震電兒一曰衆言也從雨壽省聲

丈甲切

雷電傳云熅熅震電貌漢書敘傳游說之徒風颶電激  
並起而救之其餘焱飛景附煜書其閒者蓋不可勝載春  
秋隱九年大雨震電 一日衆言也者本書讀多言也雷  
雷聲

雨

陰陽激耀也從雨從申

堂練切

五經通義雷光也 物理論風晴熱熱氣散爲雷 釋名  
雷殄也乍見則殄滅也 易通卦驗立夏電見 周書時訓  
解始電不始電君無威振 夏侯孝若  
雷賦攢雲開而飛火絳煙起於雲中

陰陽激耀也者說苑同一切經音義二十一電陰陽激耀  
也關中名覲電今吳人名礲礲十州記猛獸兩目如礲礲  
之光春秋公羊經隱九年大雨震電何注電者陽氣也有  
聲名曰雷無聲名曰電易稽覽圖雷有聲名曰雷有光名  
曰雷曾子陰陽交則電河圖陰陽相薄爲雷陰激陽爲電  
春秋元命苞陰陽激爲電呂氏春秋仲春紀雷乃發聲始  
雷高注震氣爲雷激氣爲電董仲舒雨電對運動抑揚更  
相動薄則薰蒿歔烝而風雨雲霧雷電雪雹生焉氣上薄



說文解字義證

卷三十六

三

連筠篠叢書

為雨下薄為霧風其噫也雲其氣也雷其相擊之聲也電其相激之光也從申者御覽引作申聲本書虹籀文从申云申電也

𩇑

古文

𩇑

𩇑歷振物者從雨辰聲春秋傳曰震夷伯之廟

章刃切

廣雅震雷也

隱九年穀梁傳震雷也

詩十月之交暉暉

震電傳云

震雷也常武震驚徐方如雷如霆徐方震驚

蜀

志先主方食失匕箸裴注引華陽國志於時正當雷震

先主曰一震之威何至於此成二年左傳畏君之震

𩇑歷振物者者隱九年左傳正義引同震振聲相近詩時

邁薄言震之者何猶曰振振然唐郭震字元振鄭注易震

公羊傳震之者何猶曰振振然唐郭震字元振鄭注易震

卦震動也國語陰陽分布震雷出滯釋名震職也所擊輒

厥若攻戰也又曰辟歷辟析也所歷皆厥析也史記天官

書天雷電蝦虹辟歷夜明者陽氣之動者也後漢書蔡邕

傳辟歷數發五經通義震與霆皆霹靂也釋天疾雷為霆

霓郭云雷之急擊者謂霹靂昭四年左傳雷出不震正義

霓郭云雷之急擊者謂霹靂昭四年左傳雷出不震正義

霓郭云雷之急擊者謂霹靂昭四年左傳雷出不震正義

霓郭云雷之急擊者謂霹靂昭四年左傳雷出不震正義

言有雷而不為霹靂也後漢書張衡傳豐隆軒其震霆兮  
注云震霆霹靂也文選七發夏則雷霆霹靂之所感也羽  
獵賦霹靂列缺吐火施鞭晉中興書義熙三年六月霹靂  
震太廟鷗尾徹壁柱法苑珠林師曠占曰春雷始起其音  
格格霹靂者所謂雄雷旱氣也其鳴依依不大霹靂者所  
謂雌雷水氣也洪邁曰霹靂二字古不從雨 春秋傳曰  
震夷伯之廟者信十五年

經文杜注震者雷電擊之

# 雷

## 籀文震

# 雪

## 凝雨說物者從雨雪聲

相絕切

凝雨說物者雪說聲相近釋名雪緩也水下遇寒氣而  
凝緩緩然也御覽引曾子陰氣勝則凝為雪春秋元命包  
陰凝為雪淮南天文訓陽氣勝則散而為雨露陰氣勝則  
凝而為霜雪董仲舒雨雹對其寒月則雨凝於上體尚輕  
微而因風相襲故成雪焉五經通義春洩氣為雨寒凝為  
雪李嗣雪賦何時雪之嘉澤亦應變而俱凝隨同雲而下  
降固結渥之所興沈約雪贊獨有凝雨姿貞婉而無殉烈  
璠雪賦天地否閉凝而成雪伏系之雪賦結陰凝雪夏侯

靈石楊氏棐

孝若寒雪賦玄澤閉凝歷義疏大雪十一月節月之初氣也言太陰之氣以大水凝為雪故曰大雪夏小正農及雪澤易說卦說萬物者其說乎澤樊穀復華下民祖田口集狀仍雨甘雪滋潤宿麥西岳記甘雪滋禾黍汜勝之書雪為五穀之精



雨霓為霄從雨肖聲齊語也

相邀切

雨霓為霄者釋天文彼作雨霓為霄雪郭注詩曰如彼雨雪先集維霰霰冰雪雜下者謂之霄雪疏云霄即消也詩類升釋文云霰消雪也韻會霄雪今人所謂涇雪也著物則消



稷雪也從雨散聲

蘇甸切

釋名霰星也冰雪相搏如星而散也詩類升如彼雨雪先集維霰傳云霰暴雪也箋云將大雨雪始必微溫雪自上下遇溫氣而搏謂之霰久而寒勝則大雪矣韓詩章句霰翼也穀案玉篇翼雨雪雜下曾子陰之專氣為霰春秋穀梁說霰者陰脅陽之象霰者陽脅陰之符也董仲舒雨雹對寒有高下上煖下寒則上合為雨下凝為冰霰雪是也洪

範五行傳盛陰雨雪凝滯而冰寒陽氣薄之不相入則散而為散故沸湯之在閉器而泄於寒泉則為冰及雪之消亦冰解而散此驗也夏侯孝若寒雪賦集洪霰之漸

櫻雪也者御覽廣韻竝引作積雪也埤雅霰閩俗謂之米雪言其散粒如米所謂櫻雪義蓋如此馥案雲南亦呼雪米傳云粉若栗冰

霰或從見

雨冰也從雨包聲

蒲角切

釋名雹跑也其所中物皆摧折如人所蹴跑也昭四年左傳申豐對季武子言藏冰出冰不以時則雷風為害而雨雹

氣之在水雨則溫熱陰氣薄而脅之不相入轉而成雹陰陽之專氣為雹者氣之化也白虎通雹之為言合也

陰氣專精積合為雹魏書靈徵志洪範論曰陽之專氣為雹陰之專氣為霰此言陽專而陰脅之陰專而陽薄之不能

相入則轉而為雹相雨書以天方雨時視雲有五色黑赤

說文解字義登卷三十一

並見者即雹風角占微動羽有雹陸瓊詩惟微動羽惟  
陰脅陽雨水作沴凝氣為祥西京雜記元光元年七月京  
師雨雹飽敵問董仲舒曰雹何物也何氣而生之仲舒曰陰  
氣脅陽氣天地之氣陰陽相半和氣周回朝夕不息陽德用  
事則和氣皆陰建亥之月是也故謂之正陽之月十月陰德用  
事而陰不孤立此月純陰凝於無陽故謂之正陰之月十月陰  
無陰故亦謂之陰月自十月已後陽氣始生於地十月純陽凝  
散故云息也陰氣轉收故言消也日夜滋生遂至四月純陽  
川事自四月已後陰氣始生於天上十月純陰用事二月八月  
氣轉收故言消也日夜滋生遂至十月純陰用事二月八月  
陰陽正等無多少也以此推移無有差懸運動抑揚更相動  
薄則重蒿歛蒸而風雨雲霧雷電雪霰生焉氣上薄為雨下  
薄為霧風其噫也其氣也雷其相擊之聲也電其相擊之  
光也二氣之初蒸也若有若無若實若虛若方若圓攢聚相  
合其體稍重故雨乘虛而墜風多則合速故雨大而疏風少  
則合遲故雨細而密其寒月則雨凝於上體尚輕微而因風  
相襲故成雪焉寒有高下上煖下寒則上合為大雨下凝為  
冰霰雪是也雹霰之流也陰氣暴上雨則凝結成雹焉太平

之世則風不鳴條開甲散萌而已雨不厥塊潤葉津華而已  
雷不驚人號令啟發而已電不眩目宣示光耀而已霧不塞  
望浸淫被泊而已雪不封條凌殄毒害而已雲則五色而為  
慶三色而成喬露則結味而成甘結潤而成膏此聖人之在  
上則陰陽和風雨時也政多糺繆則陰陽不調風發屋雨溢  
河雪至牛日雹殺驅馬此皆陰陽相盪而為禳沴之妖也  
雨冰也者雨凝也月令仲夏行冬令則雹東傷穀注云陽  
為雨陰起脅之凝為雹禁豎章句雨凝為雹春秋考異祁  
陰氣之專精凝合生雹雹之為言合也漢合孽專以精作  
氣凝為雹宋均注謂若魯僖公脅於齊以安為妻河重齊  
腰無回曲之心感陰水氣乃使結而不解散  
禮統雨凝曰雹造他權輿雹者雨之水也

# 雨

## 古文雹

雨當作雨象形雹  
中心四故○中加

雨零也從雨𩇛象霽形詩曰霽雨其濛

郎丁切

雨霽也者廣韻引作雨零也斥鼓文霽雨奔流經典相承  
以霽代霽詩小明涕零如雨又定之方中靈雨既霽傳云

雨既霽傳云

說文解字義詁 卷三十六

三

靈丘楊氏栞

零落也野有蔓草零露漙漙今箋云零落也夏小正八月栗

零傳云零也者降也曹植湯禱桑林贊皇靈威應時雨以

零雪賦微霰零密雪降 卿象零形者廣韻引作卿象雨

零形 詩曰歸雨其濛者幽風東山文彼作零箋云歸又

道遇雨

濛濛然

𩇑 雨零也從雨各聲 盧各切

雨零也者零當為霽張揖上廣雅表墳典散零廣雅霽零雨也

𩇑 餘雨也從雨令聲 郎丁切

餘雨也者御覽引作徐雨也玉篇廣韻同初學記引纂要徐雨曰零雨

霽 小雨財霽也從雨鮮聲讀若斯 息移切

小雨財霽也者初學記引作小雨穠落曰霽御覽引作小

雨裁落也趙宦光曰世知穠借訓僅而不信財才裁之聲

同習與不習爾韻會引徐鍇本作小雨裁霽也 讀若斯者釋詁鮮善也釋文鮮本或作誓沈云古斯字詩瓠葉有

免斯首箋云斯白也今俗語斯白之字作鮮  
齊魯之間聲近斯禹貢析支大戴記作鮮支

霽

霽霖小雨也從雨脈聲

莫獲切

霽霖小雨也者釋名霽霖小雨也言裁霽歷密漬如人沐  
頭惟及其上枝而根不濡也釋天小雨謂之霽霖詩信南山  
益之以霽霖傳云小雨曰霽霖

霖

霖霖也從雨沐聲

莫卜切

霖霖也者通作沐太元少  
上九密雨溟沐潤於枯瀆

醞

醞醞小雨也從雨酸聲

素官切

𩇛

𩇛微雨也從雨𩇛聲又讀若芟

子廉切

微雨也者微當爲微木書微小雨  
也或作𩇛集韻細雨謂之𩇛

霖

霖小雨也從雨衆聲明堂月令曰霖雨

職戎切



明堂月令曰霖雨者禮記月令注雨早降鄭注今月令作衆雨

霖 久陰也從雨沈聲直深切

久陰也者初學記御覽並引作雲久陰也通鑑注引作久陰曰霖通作沈月令季春行秋令則天多沈陰通鑑魏陸叡上言沈雨炎陽自成厲疫洪範沈潛剛克馬注沈陰也陰伏之謀謂賊臣亂子非一朝一夕之漸文五年左傳史記宋世家並作沈漸

霖 久雨也從雨兼聲力鹽切

久雨也者纂要久雨曰苦雨

畱 久雨也從雨畱聲胡男切

久雨也者廣雅畱霖也

霖 雨三日已往從雨林聲力導切

雨三日已往者徐鍇本作凡雨三日以上為霖釋天久雨謂之淫淫謂之霖郭注雨三日以上為霖書說命若歲大旱用汝作霖雨傳云霖三日雨隲九年左傳大雨霖凡雨自三日以往為霖月令淫雨蚤降注云淫霖也雨三日以上為霖漢書高帝紀七月大霖雨顏注雨三日以上為霖纂要久雨曰苦雨亦曰愁霖後漢書安帝紀夫霖雨者人怨之所致初學記漢應瑒魏文帝繆襲晉傅玄陸雲並有喜霽賦嵇含悅晴詩以苦陰霖而喜悅晴霽也

霖

霖雨也南陽謂霖雨曰霖從雨从聲

銀箴切

霖雨也者或通作淫釋天久雨謂之淫淫謂之霖月令淫雨早降注云淫霖也左傳天作淫雨害於衆盛南陽謂霖雨曰霖者小字本李燾本並作南陽謂霖霖集韻引同本書初印亦同後乃改之御覽引作南陽名霖雨曰霖

霽

雨聲從雨眞聲讀若資

卽夷切

雨聲者御覽引同讀若資者玉篇讀雨聲實同上木書漬久雨溼漬也

霽

雨兒方語也從雨禹聲讀若禹

王矩切

方語也者集韻北方謂雨曰霽呂靜說讀若禹者徐鍇本作讀若瑀

霽小雨也從雨僉聲子廉切

霽小雨也者卽霽霽通作霽霽

雨沾雨霽也從雨沾聲張廉切

雨霽也者一切經音義二霽濡也三蒼霽漬也法言問道篇霽項漸標堯舜乎通鑑李克用朱全忠罷酒從者皆霽醉注云霽醉言飲酒大醉曾餘霽溼通作沾史記陳丞相世家汗出沾背滑稽傳置酒而天雨陛楯者皆沾寒

雨濡雨濡也從雨染聲而琰切

濡也者詩匏有苦葉濟盈不濡軌傳云濡漬也文賦終流離於濡翰五臣云濡染也通作染廣雅染汙也書允征舊

染汚俗

雷雷屋水流也從雨畱聲力救切

屋水流也者潘岳悼亡詩晨窗承檐滴李善引雷屋承水也琴賦據神淵而吐濡李善引濡水流也竇婦賦濡冷洽而夜下分李善引雷屋水也一切經音義十五引作屋水流下也玉篇雷雨屋水流下也釋名雷流也水從屋上流也下

屮 屋穿水下也從雨在尸下尸者屋也

虛后切

屋穿水下也者徐鍇本作屋穿水入也詩何以穿我屋屮通作屮釋名西北隅曰屋漏禮每有親戚者輒撒屮之西北隅竊以屮竈煮沐供諸喪用時若值雨則漏遂以名之也釋宮西北隅謂之屋漏舍人云古者微屋西北用以炊治沒者訖而復之古謂之屋漏也詩抑相在爾室尙不愧于屋漏傳云西北隅謂之屋漏應璩與韋謏書夫以原憲懸磬之居而值皇天無已之雨室宇漸而作漏堂館洽而為泥尸者屋也者本書屋下云尸象屋形

霽 雨濡革也從雨從革讀若膊

匹各切

雨濡革也者革當為霽濡霽謂澱滓濡濡也集韻泥陂灤也又云灤或作霽玉篇灤雨也灤陂灤也山東名灤南州

見之釋名卷之六 三 車旁參義

名澱 從革者徐鍇本作革

霽 讀若膊者集韻渾音柏

霽

雨止也從雨齊聲

子計切

雨止也者李善注江文通詩引同字林亦同一切經音義  
七通俗文雨止曰霽今南陽人呼雨止為霽初學記引纂  
要雨晴曰霽洪範曰霽鄭注如雨止之雲氣在上者也後  
漢書安帝紀連雨未霽注云霽雨止也陳忠傳常雨大水  
必當霽止注  
云霽亦止也

霽 霽謂之霽從雨妻聲 七稽切

霽謂之霽者釋天  
文彼作濟謂之霽

霽 雨止雲罷兒從雨罷聲 苦郭切

雨止雲罷兒者六書正譌膠霽開朗兒別作寥廓茲非廣  
雅廓空也楚辭遠游上寥廓而無天七啟令予廓爾身輕  
若飛通鑑漢章帝報東平王書得王  
深策恢然意解注云恢然猶廓然也

露

潤澤也從雨路聲

洛故切

潤澤也者玉篇露天之津液下所潤萬物也釋名露處也  
覆慮物也詩蓼蕭零露漙漙兮箋云露者天所以潤萬物月  
令章句露者陰之液也晉語是先王覆露子也韋云露潤  
也春秋元命包露以潤草謝承後漢書陵零甘露降膏潤  
草木五經通義和氣津液凝為露露從地出晉中興書甘  
露者仁澤也陸機詩寒露垂鮮澤顧愷之湘川賦宵露潤  
澤應瑒車渠盤銘浸瓊露以潤形論衡是應篇爾雅言甘  
露時降萬物以嘉謂之醴泉醴泉乃謂甘露也必謂其降  
下時適潤養萬物未必露味甘也欲驗爾雅之甘露以萬  
物豐熟災害不生此則甘露降下之驗也甘露下是則醴  
泉矣

雨相

喪也成物者從雨相聲

所莊切

詩蒹葭白露為霜傳云白露凝戾為霜詩含神霧陽氣終  
白露凝為霜宋均注白露行露也陽終陰用事故曰白露凝  
為霜也曾子陰氣勝則凝為霜月令章句露凝為霜  
白虎通霜之為言匹也陽以散匹孝經援神契霜以挫物  
說文解字卷之三 雨部 三十一

靈石楊氏棐

春秋元命包霜以殺木威精符霜殺伐之表季秋霜始降  
鷹隼擊王者順天行誅以成肅殺之威韓詩外傳夫霜雪  
雨露殺生萬物者也辨命論嚴霜夜零蕭艾與芝蘭並盡  
五經通義寒氣凝以為霜霜從地升也傅元釋法篇秋

霜肅殺顧愷之  
湘川賦朔霜夜凝

喪也者霜喪聲相近釋名霜喪也其氣慘毒物皆喪也  
成物者者京房氣候霜成就萬物春秋考異郵霜者陰精  
冬令也四時代謝以霜收殺  
霜之為言凶也物以終也

霜

地氣發天不應從雨秋聲

切遇

俗作霧釋名霧冒也氣蒙亂覆冒物也春秋元命包霧陰陽  
之氣也陰陽怒而為風亂而為霧氣蒙冒覆地之物也甘泉  
賦翕赫忽霍霧集而蒙合兮五經通義陰亂則為霧  
霧從地升也晉書天文志霧者眾邪之氣陰來冒陽  
地氣發天不應者釋天地氣發天不應曰霧霧謂  
之晦郭注言晦冥釋文字林作霜音同本亦作霜

霜

籀文省

釋天天氣下地不應曰雲地氣發天不應曰霧霧謂之晦郭  
注雲言蒙昧霧言晦冥王篇雲與霧同天氣下地不應也霧  
與霧同地氣發天不應也與爾雅同廣韻雲與霧同莫紅切  
天氣下地不應曰雲又莫侯切注同霧與霧同遇切引元  
命包陰陽亂為霧又引爾雅地氣發天不應曰霧五經文字  
云霧雲霧三同竝莫侯反地氣發天不應上說文中籀文下  
經典相承隸變霧莫弄反天氣下地不應上說文中籀文下  
依廣韻與霧同非霧之籀文也洪範曰蒙傳云蒙陰闇正義  
茅督近蒙王肅云雲天氣下地不應闇冥也鄭注雲者氣不  
釋鬱鬱冥冥也周禮注引作曰孟尚書大傳厥咎雲注云雲  
冒也君臣心有不明則相蒙冒矣易稽覽圖雲者霧也李善  
文選注雲與蒙同袁宏三國名臣贊以雲與用控棟為韻唐  
書李宗閔傳人人駭栗連月雲晦惠棟曰尚書曰蒙徐  
逸音匹鉤反明字本作雲凡此皆雲與霧同之證也

**雲**

風雨土也從雨狸聲詩曰終風且霾

莫皆切

風雨土也者釋名風而雨土曰霾霾晦也言如物塵晦之  
色也釋天風而雨土為霾孫炎曰大風揚塵土從上下也  
古今注漢昭帝元鳳三年天雨黃土晝夜昏霾晉書天文  
志凡天地四方昏濛若下塵十日五日以上或一月或一



時雨不沾衣而有土名曰靈 詩曰終風且霾者地風終風文傳云霾雨土也

霜

天氣下地不應曰霜霜晦也從雨瘡聲

莫弄切

洪範乃命卜筮鄭注卜五占之用謂雨濟圉霧克也 史記朱微子世家曰涕曰霧徐廣曰一作曰涕曰被覆案霧當為霜被當為瘡 漢書五行志傳曰思心之不睿是謂不聖厥咎霜

天氣下地不應曰霜者廣韻五經文字晉書音義並同范子計然曰風為天氣雨為地氣風順時而行雨應風而下命曰天氣下地氣上為雲天氣下為雨雨出地氣出天馥謂濁陰為地地氣上為雲天氣下為雨雨出地氣出天馥謂反乎此則為霜矣 霜晦也者釋言晦冥也春秋僖十五年九月己卯晦公羊云晦冥也漢書五行志心區霜則冥晦霜通作蒙洪範曰蒙釋名蒙日光不明蒙蒙然也京房易傳蒙如座雲臣私祿及親茲謂罔辟厥異蒙大臣厭小臣茲謂蔽蒙微日不明若解不解後漢書黃瓊傳蒙氣數與日間月散注云蒙陰闇也郎顗傳正月以來陰闇連日易內傳久陰不雨亂氣也蒙之比也蒙者君臣上下相冒亂也易稽覽圖日食之比陰得陽蒙之比也陰冒陽也鄭

元注蒙氣也比非一也邪臣謀覆冒其君先霧從夜昏起或從夜半或平旦君不覺悟日中不解遂成蒙君復不覺悟下為霧也吳志孫亮傳風四轉五復蒙霧連日晉書天文志凡連陰十日晝不見日夜不見月亂風四起欲雨而無雨名曰蒙 稽稽者爾雅釋文霧字林作霿本亦作霿霞案霿當為霿玉篇稽亂明爾雅以霧為霿故釋文云霧字林作霿也 本書無霿字

雨

屈虹青赤或白色陰氣也從雨兒聲

五雞切

本書屈讀若虹蜺之蜺 釋天蜺為挈貳郭注蜺雌虹也見離騷序貳其別名見尸子音義虹雙出色鮮盛者為雄雄曰虹間者為雌雌曰霓案楚辭建雄虹之采旄處雖霓之標顛爾雅雲出天之正氣霓出地之正氣雄謂之虹雌謂之霓則雲陽物也陰陽和而既雨則雲散而霓見矣 河圖填星為虹蜺春秋演孔圖蜺者斗之亂精也斗失度則蜺見京房易傳蜺日効氣也其占云妻乘夫則見之陰勝陽之表也 月令章句陰陽不和婚姻失序則生此氣

說文解字義證

卷三十六

元

連筠簪叢書

屈虹青赤或白色者孔帖天復三年三月庚申有曲虹在  
日東北河圖稽耀鉤霓者氣也起在日側其色青赤白黃  
張璠漢紀光和元年虹畫見色青赤尚書考靈曜注日月  
白者為虹日旁青赤者為霓潘尼兩賦收絳霓於漢陰史  
記刺客傳白虹貫日楚詞天問白蜺嬰茀注云蜺雲之有  
色似龍者也楊文雲賦浮素霓之遠邇陰氣也者御覽  
引作陰陽氣也春秋元命包虹霓者陰陽之精兒替者  
廣韻霓五結切南史王筠傳沈約製郊居賦示筠草筠讀  
至雌霓連蛇約撫掌欣怍曰僕常恐人呼為霓增韻范忠  
文公鎮試學士院詩用彩霓字學士以沈約郊居賦雌霓  
連蛇讀霓為入聲謂鎮為失韻釋名霓蜺也其體斷絕見  
於非時此災氣也傷害於物如有所食齧也馥案此亦讀  
五結切

雨

寒也從雨執聲或曰早霜讀若春秋傳塾院

都念切

寒也者寒當為塞本書院塞也讀若春秋傳塾院者成  
六年襄九年左傳並作塾隘本書塾下亦引作塾隘九經  
字樣云傳塾隘經典相承作塾馥案本書當云  
春秋傳曰霰院後人加讀若字又改霰為塾

雪夏祭樂于赤帝以祈甘雨也從雨亏聲羽俱

春秋繁露大雩者何旱祭也祭法雩宗祭水旱也注云雩之言吁嗟也穀案漢盧江雩婁縣讀為吁閭春秋大雩賈逵曰言大雩者別於山川之雩左傳啟蟄而郊龍見而雩服注一說郊祀天神農事雩祭山川而祈雨也梁書許思傳降敕問凡來陰陽應各從其類今雩祭燔柴以火祈水意以為疑懋答曰雩祭燔柴經無其文良由先儒不思故也按周宣雲漢之詩曰上下奠瘞靡神不宗毛注云上祭天下祭地與其瘞瘞之物以此而言為旱而祭天地並有瘞埋之文不見有燔柴之說若以祭五帝必施燔柴者今明堂之禮又無其事且禮又云埋少牢以祭時時之功是五帝此又是無柴之證矣昔雩壇在南方正陽位有非求神而已移於東實柴之禮猶未革請停用柴其牲牢等物悉從坎瘞以符周宣雲漢之說詔竝從之馥案阮湛三禮圖雩壇在巳梁之壇在正南故許懋以為乖范注定元年穀梁傳載其禱詞曰方今大旱野無生稼寡人當歿百姓何誘不敢煩民請命願撫萬民以身塞無狀

夏祭者服注左傳雩夏祭天名也雩遠也遠為百穀未膏雨也淮南時則訓仲夏之月大雩帝注云雩者吁嗟其聲

以未雨之祭詩正義云月令仲夏大雩雩以龍見爲之當  
在孟夏之日爲月令者錯至於仲夏失正雩之月大雩帝用  
赤帝者樂謂舞也本書舞樂也月令仲夏之月大雩帝用  
盛樂春秋文耀鉤太微宮有五帝坐星赤帝曰赤熛怒五  
經通義天神之大者曰昊天上帝其佐曰五帝南方赤帝  
赤熛怒家語五帝篇季康子問於孔子曰昔邱也聞五帝之  
而不知其實請問何謂五帝孔子曰昔邱也聞諸老聃曰  
天有五行木火金水土分時化育以成萬物其神謂之五  
帝王肅注云五帝五行之神佐天生物者後世識緯皆爲  
之名亦爲妖怪妄言月令注云雩祀五精之帝司巫注云  
雩旱祭也天子於上帝諸侯於上公之神高注淮南時則  
訓帝者天之主宰詩序噫嘻春夏祈穀於上帝也箋云月  
令孟春祈穀於上帝夏則龍見而雩是與馥謂祈穀春祭  
祭上帝啟蟄而郊也雩夏祭赤帝龍見而雩也所謂上  
公者定元年穀梁傳雩者爲旱求者也來者請也雩請哉  
請乎應上公古之神人有應上公者通乎陰陽君親帥諸  
大夫道之而以請雩以祈甘雨也者月令大雩帝注云  
雩吁嗟求雨之祭也春秋桓五年大雩范甯云雩者旱祭  
請雨之名左傳龍見而雩服注龍角亢也謂四月昏龍星  
體見萬物始盛待雨而大故雩祭以求雨也荀子彊國篇

雩而雨何也曰無何也猶不雩而雨也注云  
雩求雨之禱也說苑大旱則雩祭而請雨

# 羽或從羽雩羽舞也

雩羽舞也者集韻等緝羽也雩祭所執釋訓舞號雩也郭  
注雩之祭舞者吁嗟而請雨孫炎云雩之祭有舞有號周  
禮司巫若國大旱則帥巫而舞雩注云雩早祭也又女巫  
早暎則舞雩注云使女巫巫早祭從陰也又舞帥教早舞帥  
而舞早暎之事注云皇舞象羽舞早暎之事謂雩也暎熱  
氣也馥案皇本書作翌云樂舞以羽翟白翟其首以祀星  
辰也讀若皇桓五年公羊傳大雩者何旱祭也何注雩旱  
請雨祭名君親之南郊以六事謝過自責曰政不一與民  
失職與宮室榮與婦謁盛與苞苴行與讒夫倡與使童男  
女各入人舞而呼雩故謂之雩漢儀郡國旱公卿官長以  
次行雩禮舞童二佾莊子有桑林之舞淮南云湯旱以身  
禱於桑山之林馥謂此雩舞之始論語風乎舞雩皇氏曰  
舞雩請雨之壇處也請雨祭謂之雩雩吁也民  
不得雨故吁嗟也祭而巫舞故謂爲舞雩也

# 雩額也遇雨不進止額也從雨而聲易曰雲上於天需

相俞切

哀六年左傳需事之下也杜注需疑也十年傳需事之賊也杜注言需疑則害事

頌也者廣雅同本書頌待也京房易傳需待也頌通作須

易需卦彖需須也又歸妹以須虞注須需也于寶曰需坤

之游魂也雲深在天而雨未降翱翔東西須之象也遇

雨不進止頌也者木書電見雨而止息易序卦需不進也

書序太康失邦昆弟五人須於洛汭馬注須止也後漢書

張衡傳雖老氏曲全進道若退然行亦以需而聲者顯

炎武曰說文需从雨而聲蓋讀而為如也古而字即讀為

如故熨字說文需从大而聲馥案需鄭氏易作秀云陽氣

秀而直前歸藏易作潄本書儒讀若樞是需秀潄聲相近易曰雲上於天需者需卦象文

雨羽

水音也從雨羽聲

王矩切

水音也者集韻霜通作羽玉篇羽北方名羽音在冬時周禮大司樂姑洗為羽樂記羽為物月令其音羽注云羽數四十八屬水者以為最清物之象也六韜敵人驚動則聽之聞人嘯呼之音者羽也注云羽屬水水聲清亮嘯呼之

聲似之管子地員篇二十七十四尺而至於泉呼音中羽其  
泉鹹鬼谷子中經微羽不相配注云微火羽水性氣不同  
燕策復為羽聲坑慨漢書律歷志五  
聲羽為水劉歆鐘律書羽五行為水

文四十六 重十一

雨

山川氣也從雨云象雲回轉形凡雲之屬皆從雲王  
切

廣雅雲運也釋名雲猶云云微盛意也又言運也運行也  
禮統雲者通氣布恩普博也春秋說趙辭雲之為言運  
也觸斥而起謂之雲含陽而起以精運也初學記引春秋  
元命包陰陽聚為雲河圖帝通紀雲者天地之木也洪  
範五行傳雲者起於山彌於天呂氏春秋應同篇山雲草  
若水雲魚鱗河圖始開圖黃泉之埃上為黃雲青泉之埃  
上為青雲赤泉之埃上為赤雲白泉之埃上為白雲元泉之  
埃上為元雲兵書韓雲如布趙雲如牛楚雲如日宋雲如  
車魯雲如馬衛雲如犬周雲如輪秦雲如美人  
魏雲如鼠齊雲如絳衣越雲如龍頭蜀雲如圉



說文解字義證

卷三十六

三

連筠移叢書

山川氣也者御覽引同本書氣雲氣也易繫辭山澤通氣  
禮孔子閒居天降時雨山川出雲成公綏雲賦山澤通氣  
華岱興雲云象雲回轉形者本書云轉流  
也同回也詩正月昏姻孔云傳曰云旋也

古文省雨

秦策楚燕之兵云翔不敢校史記作雲翔

古文省雨者徐錯本作古文雲

亦古文雲

雲覆日也從雲今聲

於今切

雲覆日也者相雨書曰上有冠雲四方黑者大雨覆案天  
文要集斗不欲雲覆之黑雲覆之大雨此言雲覆日亦如  
雲覆斗也玉篇露沈雲兒釋天弁日爲蔽雲楚詞九辨然  
露晞而莫達洪注云露雲覆日也大戴禮文王官人篇生  
民有雲陽盧辯注言人含陰陽之氣通作陰洪範惟天陰  
騭下民釋文陰馬云覆也詩鳴鵙迨天之未陰雨月令天

多沈陰蔡氏章句陰者  
密雲也沈者雲之重也

全古文或省

本書陰

從此

風亦古文霽

史記朝鮮列傳朝鮮相路人相韓陰漢  
書作韓陶馥疑早加官作陰誤為陶

文二 重四

魚水蟲也象形魚尾與燕尾相似凡魚之屬皆從魚

切

莊子朽瓜化為  
魚物之變也

水蟲也者玉篇魚水中蟲特牲饋食記魚十有五注云魚  
水物以頭枚數陰中之物取數於月十有五曰而盈魚

說文釋名卷登

卷三十一

三

連筠籒叢書

尾與燕尾相似者本書燕  
枝尾又云角與刀魚相似

𩺰

魚子已生者從魚情省聲

徒果切

魚子已生者者集韻魚初生  
曰鱗 情省聲者當為隋聲

𩺰

籀文

𩺰

魚子也一曰魚之美者東海之鰠從魚而聲讀若而

如之切

魚子也者魯語魚禁鰠韋注鰠魚子鰠未成魚也南史  
吉翺傳鰠鰠鰠鰠尚貪其生 一曰魚之美者東海之鰠  
者呂氏春秋本味  
篇文高注鰠魚名

𩺰

魚也從魚去聲

去魚切

魚也者玉篇鰠亦作鰠鰠比目魚鰠同上廣韻鰠與鰠同  
比目魚別名本書括讀若比目魚鰠之鰠釋地東方有比

目魚勇不比不行其名謂之鰈郭注狀似牛脾鱗細紫黑色一眼兩片相合乃得行今水中所有之江東又呼為王餘魚上林賦禹鰈鰈郭璞曰鰈比目魚狀似牛脾細鱗紫色兩相合乃得行鰈疑鰈下有或體鰈字傳寫脫漏



魚似鰈無甲有尾無足口在腹下從魚納聲

奴荅切

魚似鰈者廣雅鰈也類篇鰈魚有四足如龜而行疾戴假曰鰈魚類鰈而四足按如龜之說未然里中漁人屢嘗獻此目擊其狀乃類鰈郡城中嘗因大水獲此以為蛟龍為召巫祝禳而送之江表字記云爾雅云鰈似鰈四足聲如小兒今商州山溪內亦有此魚謂之納魚無足者當為四足史記司馬相如傳禹鰈鰈徐廣曰鰈一作鰈郭璞曰鰈鰈魚也似鰈有四足聲如嬰兒廣韻鰈鰈也王篇鰈大魚似鰈四足陳藏器本草鰈魚一名王鰈在山溪中似鰈有四腳長尾能上樹天旱則舍水上山以葉覆身鳥來飲水因而取之伊洛間亦有聲如小兒啼故曰鰈魚一名鰈魚一名人魚膏然燭不滅秦始皇冢中用之史記秦始皇本紀以人魚膏為燭徐廣音義云人魚似鰈四腳北山經泱泱之水其中多人魚其狀如鰈魚四足其音如嬰兒注云或曰人魚即鰈魚也似鰈而四足聲如小兒啼

靈石楊氏

水經注洛水云廣志曰鰈魚聲如小兒嘍有四足形如鰈  
鰈可以治牛出伊水也釋魚鰈大者謂之鰈異物志鰈魚  
有四足如龜而行疾有魚之體而以足行故  
曰鰈魚含水仰天不動小鳥就飲因而吞之



虛鰈也從魚扇聲

切土益

虛鰈也者字書鰈魚似鰈四足北戶錄引唐韻鰈魚名四  
足載側曰薄魚扇土而行者今謂之鰈鰈漢書司馬相如

傳焉焉



赤目魚從魚尊聲

切慈損

赤目魚者字林同釋魚鰈鰈郭注似鰈子赤眼孫炎云鰈  
好獨行爾雅翼鰈魚目中赤色一道橫貫瞳魚之美者今  
謂之赤眼鰈官螺蚌喜獨行極難取見網輒遁詩九戩之  
魚鰈鰈傳云鰈大魚也御覽引陸機疏云鰈似鰈魚而鱗

細於鰈赤  
眼多細文



鰈魚也從魚秋聲

力珍切

𩚑

魚也從雨容聲

余封切

魚也者集韻𩚑似鯁而黑  
五音集韻𩚑似鯁而黑

𩚒

魚也從魚背聲

相居切

魚也者北山經滑水其中多滑魚其  
狀如鯽赤背其音如梧注作鯽魚

𩚓

𩚓也周禮春獻王鮓從魚有聲

榮美切

鮓也者當為鮓說見鮓下詩潛有鮓有鮓顧人鮓鮓發  
傳並云鮓鮓也釋文鮓似鮓大者名王鮓小者名叔鮓沈

云江淮間曰叔伊洛曰鮓海濱曰鮓陸機疏鮓魚形似鮓  
而色青黑頭小而尖似鐵兜釜口在頷下其甲可以厚薄

大者不過七八尺益州人謂之鮓鮓大者為王鮓小者為  
鮓鮓一名鮓肉色白味不如鮓也今東萊遼人謂之鮓魚

或謂之仲明仲明者樂浪尉也溺炭海中化為此魚又云  
河南鞏縣東北崖上山腹有穴舊說此穴與江湖通鮓從

此穴而來北入河西上龍門入漆沮故張衡賦云王鮓  
居山穴為鮓謂此穴也薛綜注西京賦云王鮓居山穴中

長老言王鮪之魚由南方來出此穴中入河水見日月眩  
浮水上流行七八十里釣人見而取之以獻天子用祭其  
穴在河南小平山水經河水又東過鞏縣北酈注縣北有  
山臨河謂之峯原邱其下有穴謂之羣穴言潛通淮浦北  
達於河直穴有渚謂之鮪渚成公綏大河賦曰鮪鯉王鮪  
春暮來游周禮春薦鮪然非時及佗處則無故河白鮪穴  
已上又兼鮪稱呂氏春秋稱武王伐紂至鮪水紂使膠鬲  
侯周師卽是處矣博物志河陰岫穴出鮪魚焉後漢書馬  
融傳春獻王鮪注云鮪鮪屬也大者爲王鮪小者爲叔鮪  
周禮春獻王鮪者天官漁人夏小正二月祭鮪不必  
記記鮪何也鮪之至有時美物也鮪者魚之先至者也而  
其至有時謹記其時馥案他書皆作三月月令季春之月  
薦鮪於寢廟呂氏春秋季春紀薦鮪於寢廟注云鮪魚似  
鯉而小淮南時則訓季春薦鮪於寢廟注云鮪魚似鯉而  
大馥案古今注

鮪之大者曰鮪

鮪

鮪也周禮謂之鮪從魚恆聲

古恆切

鮪也者鮪省作鮪王篇鮪鮪鮪也吳郡賦筌鮪鮪注云鮪  
鮪鮪也東山經碧陽其中多鮪鮪注云鮪卽鮪也似鮪而

長鼻體無鱗甲別名魴一名鱣也史記司馬相如傳魴  
鰐離郭璞曰魴鰐鰐也李奇注周洛曰魴蜀曰魴鰐出  
鰐山穴中三月遡河上能  
度龍門之限則為龍矣

魴

魴鰐也從魚流聲

武登切

魴鰐也者字或作魴玉篇魴鰐鰐魏武四時食制魴一名  
黃魚大數百斤骨軟可食出江陽犍為古文苑蜀都賦后  
鰐水螭注云魴鰐魚名  
后鰐猶后燕后鰐之類

魴

魴鰐也從魚各聲

盧各切

魴鰐也者釋魚文彼作魴郭注魴鰐屬也大者名王魴小  
者名魴魴今宜都郡自京門以上江中通出魴魴之魚有  
一魚狀似魴而小建平人呼魴子即此魚也釋文魴字林  
作魴上救反又云魴字林作魴音格本書魴魴二字與字  
林異或後人  
據爾雅改之

魴

魚也從魚系聲

古本切



說文解字義證

卷三十六

美

連筑籀叢書  
靈石楊氏棐

魚也者玉篇鯨大魚也或作鯢列子殷湯篇有魚焉其廣  
數千里其長稱焉其名爲鯢莊子逍遙游北冥有魚其名

鯢

魚也從魚眾聲

古頑切

魚也者詩敝笱其魚魴鯢傳云鯢大魚孔叢  
抗志篇衛人釣於河得鯢魚焉其大盈車

鯢

鯢也從魚里聲

良止切

鯢也者釋魚鯢鯢舍人曰鯢一名鯢郭璞曰鯢今赤鯢魚  
體大魚似鯢而短鼻在頰下體有邪行甲無鱗肉黃大者  
長二三丈今江東呼爲黃魚馥案舍人與本書合郭以爲  
二魚其說云先儒及毛詩訓傳皆謂此魚有兩名今此魚  
種類形狀有殊無緣強合之爲一物詩魚麗于鼈鯢鯢釋  
文毛及前儒皆以鮀解釋鯢鯢爲鮀鮀爲鯢唯郭注爾雅是  
六魚之名今目驗毛解與世不協或恐古今名異逐世移  
耳馥謂此說最爲平慎毛傳說文舍人孫炎竝同未可據  
今而疑古也鯢本鯢屬今之鯢魚謂之赤鯢猶鯢本大魚  
今之鯢魚謂之蛇鯢皆冒大魚之名高注淮南云鮀似鯢

而大李奇注史記鰮能度龍門之限則為龍馥謂俗誤以赤鯉上龍門也古今注鯉之大者曰鰮歸藏占鼎有黃耳利得鰮鯉詩衡門豈其食魚必河之鯉成公綏大河賦鰮鯉王鮪暮春來游臨海異物志鯉魚長百步俗傳有七里鰮魚孫綽望海賦文鯉黃鰮大魏諸州記小平津有洞穴鯉魚從穴中出入河大者重千斤色青皮如鮫魚皮有珠

文口在領下

# 鰮

鯉也從魚亼聲

張連切

鯉也者一切經音義十五鰮大黃魚也口在領下體無鱗甲肉黃大者長二三丈江東呼為黃魚是也古今注鯉之大者曰鰮鰮之大者曰鰮詩顧人鰮鰮發發傳云鰮鰮也釋文鰮大魚口在領下長二三丈江南呼黃魚又四月匪鰮匪鰮箋云鰮鰮也又潛有鰮有鰮傳云鰮大鰮也陸機疏出江海三月中從河下頭來上身形似龍銳頭口在領下背上腹下皆有甲縱廣四五尺今於盟津石磧上釣取之大者千餘斤可烝為臠又可為鮓魚子可為醬鄭注大傳鰮鯉也郭注山海經鰮魚大魚也口在領下體有連甲也江賦叔鮪王鮪李善云王鮪鰮之大者猶曰王鮪南越

七之界二言卷六三二一

志鯢鰭屬也長鼻輭骨長數丈而骨可啖水經注河水云  
河水又南得鯉魚淵爾雅曰鰭鮪也出羣穴三月則上渡

龍門得渡為龍矣  
否則點頰而還

鰭 鰭文鰭

魚當  
作鰭

鰭 魚也從魚專聲

旨竟切

魚也者廣韻鰭魚名出洞庭湖呂氏  
春秋本味篇魚之美者洞庭之鰭

鰭 魚名從魚同聲一曰鰭也讀若綦補直隴切

魚名者玉篇鰭鰭也韻案萊沂海中有鰭大者徑尺壳有  
兩錐呼為鰭鰭即此魚也一曰鰭也者韻會引作鰭玉  
篇鰭鰭魚也釋魚鰭大鰭小者鰭注云今青州呼小鰭為  
鰭讀若綦鰭者地理志汝南郡鰭陽孟康曰鰭音紂紅  
反廣韻集韻皆  
與紂同音誤矣



𩚑 魚名從魚攸聲 直由切

魚名者廣韻鯨與鮪同云鯢鮪小魚廣雅鯢鯢也釋魚鮪  
黑鮪郭注即白鯢魚江東呼為鮪兩雅翼鯢白鯢也其形  
纖長而白今人謂之參卑雅鯢江准之閒謂之鯢木草鯢  
注云長數寸狀如柳葉今俗呼鯢鮪莊子秋水篇鯢魚出  
游釋文白魚也何晏景福殿賦瀨戲鯢鮪荀子榮辱篇鯢  
鉢者浮陽之魚也楊倞注鯢鉢魚名浮陽謂此魚好浮於  
水上就陽也秋興賦玩游鯢之濺濺何敬祖詩流日玩鯢  
魚字或作鯢詩潛鱗鯢鯢鯢鯢云鯢白鯢也又借鯢字淮  
南覽冥訓不得其道若觀鯢魚高注鯢魚小  
魚可觀見而不可得後漢書樊鯢字長魚

鯢 魚名從魚豆聲 天口切

鯢 魚名從魚便聲 房連切

魚名者玉篇鯢鯢魚也爾雅釋文鯢字又作鯢字林云魚  
也案魚似鯢而大輒細而長爾雅與宋張敞兒為刺史獻  
齊高帝一千八百頭即此也海內北經大鯢居海中注云  
鯢即魴也後漢書馬融傳魴鯢鯢鯢注云鯢魴之類也襄

陽耆舊傳峴山下溪水中出鰻魚味極肥而美襄陽人采捕遂以槎斷水因謂之槎頭縮項鰻魚

鰻 鰻又從扁

鰻 赤尾魚從魚方聲 符方切

釋魚鰻鮓郭注江東呼鰻魚為鰻一名鮓 詩魚躍于鰻鰻又衡門豈其食魚必河之鰻陸璣疏鰻今伊洛濟潁鰻魚也廣而薄肥恬而少力細鱗魚之美者遼東梁水鰻特肥而厚尤美於中國鰻故其鄉語曰居就糧梁水鰻 說苑大授綸錯餌迎而吸之者陽橋也其為魚也博而厚味 廣州記鰻魚廣若食若不食者鰻也其為魚也博而厚味 廣州記鰻魚廣而肥貼魚之美者也

楚公子鰻字子魚

赤尾魚者字林同一切經音義十九鰻赤尾魚也詩故墳鰻魚積尾傳云魚勞則尾赤正義鰻魚尾本不赤亦故為

勞也鰻案此誤也曾任沅江得一魚鱗白肉細而尾赤真鰻也

鰻 鰻或從旁

魚部

鯢

魚名從魚與聲

徐呂切

魚名者埤雅鯢魚亦或謂之鯢也爾雅異鯢食草鯢食螺蚌鯢乃食鮠矢宜其味之不美爾詩敝笱其魚鮠鯢云鯢似鮠而弱鱗陸璣疏似鮠厚而頭大魚之不美者故俚語曰網魚得鯢不如噉茹華陽國志沔陽縣度水有二源一曰清檢二曰濁檢有魚穴清水出鯢濁水出鮠常以二月八月取後漢書馬融傳鮠鯢鯢鯢潘岳西征賦素鯢揚鬐內則鯢鯢蒸

鯢

魚名從魚連聲

力延切

魚名者廣雅鯢鯢也陸璣疏鯢其頭尤大而肥者徐州人謂之鯢寰宇記涇昌縣鯢水多鯢魚因名鯢水

鰐

魚名從魚皮聲

敷羈切

魚名者玉篇鰐鰐魚也王粲雜章云奉鰐皮

𩚑

魚名從魚幼聲讀若幽

於糾切

魚名者玉篇  
鮒鮒魚也

𩚒

魚名從魚付聲

符遇切

魚名者玉篇鮒鮒魚廣雅鮒鮒也顏注急就篇鮒今之鮒  
魚也亦呼為鮒易井谷射鮒王肅注鮒小魚少牢禮魚用  
鮒十有五而俎莊子外物篇鮒周顧視車轍中有鮒魚焉神  
異經東南海中有恆洲有溫湖鮒魚生焉長八尺荊州記  
荊州有美鮒踰於洞庭溫湖水經注度口水  
有二源一曰濁檢出好鮒晉羊舌鮒字叔魚

𩚓

魚名從魚至聲

仇成切

魚名者尚書大傳大都鮓魚  
注云鮓魚今江南以為鮑

𩚔

魚名從魚脊聲

資昔切

魚名者玉篇鮓鮓也廣韻鮓鮓也唐本草鯽魚一名鮓魚  
蜀本注云形亦似鯽色黑而體促肚大而脊隆所在池澤



皆有之

𩚑

魚名從魚麗聲

切郎今

魚名者戴侗曰𩚑鰻也玉篇𩚑魚似蛇無鱗甲其氣辟蠹蟲也廣雅𩚑鰻也類篇𩚑小鰻也本草𩚑鰻魚陶隱居云能緣樹食藤花形似鰻又有鰻亦相似而短也圖經云似鰻而腹大青黃色云是蛟蜃之類善攻崎岸使輒頽云似江河居人酷畏之趙薛公雜說凡聒抱者鵠鵠雀也影抱者鰻鰻龍也有鰻鰻者以影漫於鰻魚則其子皆附鰻之鬣鬣而生故謂之鰻鰻也積案有赤色者玉篇鰻赤鰻也

鰻

魚也從魚曼聲

切母官

魚也者廣韻鰻鰻魚也集韻鰻鰻魚也鰻字林作鰻戴侗曰魚無鱗而搏長腹白決吻如蛇

鰻

魚名從魚隻聲

切胡化

徐鍇本有讀若瓠三字

魚名者玉篇鰾似鮎而大廣韻鰾魚名似鮎白大廣志鰾魚似鮎大口本草蜀本圖經鰾魚有二種口腹俱大者名鰾背青而口小者名鮎北山經清水其中有鰾鮎注云鰾似鮎而大白色也水經注度口水有二源一曰清檢出佳鰾

鰾

大鰾也其小者名鮎從魚不聲

敷悲切

大鰾也其小者名鮎者釋魚無大者鰾郭注鰾似鮎而大白色釋魚又云鰾鮎郭注未詳釋文鰾廣雅云無鰾埤蒼云鰾鮎鰾也字林鮎作鮎音七

鰾

鰾也從魚豐聲

盧啟切

鰾也者字林鰾鰾也唐注本草蚺蛇其形似鰾魚或言鰾魚變爲之也

鰾

鰾也從魚果聲

胡瓦切

鰾也者廣韻鰾魚似鮎也廣雅鰾鰾也大鰾謂之鰾詩魚麗鰾鰾傳云鰾鰾正義釋魚云鰾鰾舍人曰鰾名鮎郭璞

說文解字義證卷三十六

空

曰鯉鯛徧檢諸本或作鯉鯉或作鯉鯉若作鯛似與郭氏采  
正同又與舍人有異或有本作鯉鯉者馥案毛傳郭注以  
鯉為鯉故

鯉

楊也從魚嘗聲

市羊切

楊也者集韻類篇引作揚徐鍇本同字書鯉黃頰魚也玉  
篇鯉黃鯉魚林朝儀蟲異賦注鯉今黃鯉魚也性浮而善  
飛躍故一名揚詩魚麗篇鯉傳云鯉揚也陸疏鯉一名揚  
今黃頰魚似燕頭魚身形厚而長大頰骨正黃魚之大而  
有力解飛者徐州人謂之揚黃頰通語也今江東呼黃鯉  
魚亦名黃揚魚尾微黃大者長尺七八寸許陳啟源曰孟  
詵食療本草有黃頰魚即魚麗之鯉也亦名黃鯉魚又名  
黃頰魚無鱗而色黃羣游作聲軋軋故又名鯉鯉又名黃  
鯉陸元恪以為名黃揚正以色黃而性揚也馥案說苑夫  
投綸錯餌迎而吸之者陽橋也宓子賤廐碑作陽鯉荀子  
榮辱篇儵鯀者浮陽之魚也注云浮陽謂此魚好浮於水  
上就陽也此皆作陰陽之陽初學記引毛詩義疏鯉魚益  
州人謂之鯉鯉案薛綜云王鯉出穴見日月眩浮  
水上流行七八十里馥謂其浮似鯉故曰鯉鯉

鯢

魚名從魚卓聲傳曰伯牙鼓琴鯢魚出聽

余歲切

魚名者一切經音義十七鯢魚鼻長七八寸重千斤玉篇  
 鯢魚也字林鯢長鼻魚也重千斤後漢書馬融傳魴鯢鯢  
 鯢注云鯢口在頤下大者長七八尺長笛賦鯢魚喁於水  
 喬宇或作鯢陳藏器本草鯢魚生江中背如龍長一二丈  
 鼻上肉作脯名鹿頭一名鹿肉新唐書地理志丹陽郡貢  
 鯢鮓趙宦光曰鯢大鼻魚也外無鱗肉無骨其鼻如冠等  
 身之半皆鋼脆也大者千斤觸網即仰身待縛人言其惜  
 冠也海虞方言讀若鯢婁東方言讀若尋或改作鯢因聲  
 而謬遂其謬也傳曰伯牙鼓琴鯢魚出聽者荀子昔者  
 瓠巴鼓瑟而鯢魚出聽伯牙鼓琴而六馬仰秣通作淫淮  
 南說山訓瓠巴鼓瑟而淫魚出聽高注淫魚喜音出頭於  
 水而聽之淫魚長頭身相半長丈餘鼻正白身正黑口在  
 頤下側鼻猶魚而身無鱗出江中也曰帖瓠巴鼓琴鯢魚  
 出聽江淹雜體詩淵魚猶伏浦聽者未云疲李注淵魚鯢  
 魚也韓詩外傳昔伯牙鼓琴而淵魚出聽蜀都賦咸鯢魚  
 劉注鯢魚出江中頭與身正半口在腹下淮南子曰瓠巴  
 鼓瑟鯢魚出聽伯  
 牙鼓琴鯢馬仰秣

鯢 刺魚也從魚兒聲 五雞切

刺魚也者集韻作鯢音粹宋玉對楚王問尺澤之鯢莊子庚桑楚尋常之溝巨魚無所還其體而鯢鯢為之制注制折也謂小魚得屈折也又云趣灌瀆守鯢鯢

鰮 鰮也從魚習聲 似入切

鰮也者釋魚文郭注今泥鰮孫炎云鰮尋也尋習其泥厭其清水

鰮 鰮也從魚酉聲 七由切

鰮也者埤雅今泥鰮也似鰮而短無鱗以涎自染難握與魚為牝牡莊子所謂麋與鹿交鰮與魚游一名鰮玉篇鰮狀如鰮而小字林鰮似鰮短小也莊子達生篇養鳥者色之以委蛇司馬彪云委蛇泥鰮通鑑注鰮魚今江淮間湖蕩河港皆有之春二月時人取食之其味甘美至三月人不甚食謂之楊花鰮史鰮字子魚

鰮 魚名從魚完聲 戶版切

魚名者類篇鮠與鰻同郭注爾雅鮠今鰻魚似鮠而大陳  
藏器本草鮠魚似鯉生江湖間嶺表錄異新龍等州山田  
開為町墾貯水先買鮠魚子散於田內一二年後魚兒長  
大食草根竝既盡為熟田爾雅翼雲南牂柯人以桐葉飼  
魚鄉人養鮠魚者每春以草養之頓能肥大秋後食以  
桐葉以封魚腹則不復食亦不復瘦以待春復食也

𩚑

𩚑口魚也從魚𠂔聲

他各切

𩚑口魚也者玉篇𩚑名黃類廣雅𩚑𩚑河𩚑𩚑也韓  
詩外傳魚之𩚑口垂腴者魚畏之史記司馬相如傳鰻  
鰻徐廣曰𩚑音託𩚑口魚也漢書音義郭璞曰  
𩚑𩚑也一名黃類馥案集韻𩚑𩚑也一日黃類

𩚑

𩚑飲而不食刀魚也九江有之從魚此聲

祖禮切

玉篇𩚑魚也𩚑𩚑魚鄭注周禮鼈人狸物𩚑刀含漿  
之屬南經若水北流注於其區其中多𩚑魚注云𩚑魚  
狹薄而長頭大者尺餘太湖中今饒有之一名刀魚江  
鰻順時而往還李善曰常以三月八月出故曰順時  
雅異𩚑魚長頭而狹薄其腹背如刀刃故以為名大者長尺  
餘可以為膾戴侗曰𩚑魚生江河鹹淡水中春則上側薄  
兌之罕三

重尚彥義書

類刀其大者曰母黃宜膾趙宦光曰今江南在在有之海  
出者佳而孕于江出大而不孕湖出有大小二種並味薄不  
珍異苑蝴蝶變作黃雨雅釋文黃字或作鱗齊民要術  
注鱗一名刀魚腹案方言凡物生而不長大謂之黃又曰齊  
飲而不食刀魚也者釋魚鰲鰾刀郭云今之黃魚也亦呼  
為魴魚釋文刀字亦作魴字林云刀魚飲而不食漢書貨  
殖傳魴黃千斤顏注魴魴魚也飲而不食者  
九江有之者廣韻黃魚名常以春時出九江

魴

魴也從魚它聲

徒何切

魴也者齊民要術有作魴臛湯法本草蜀本圖經云有二  
種口腹俱大者名魴背青而口小者名魴口小背黃腹白  
者名魴一名何狹三魚並堪  
為臛美而且補祝魴魴字子魚

魴

魴也從魚占聲

奴兼切

魴也者釋魚魴魴孫炎曰魴一名魴詩魚麗魴魴傳云魴  
魴也楚詞九思魴魴兮延延王注魴魴也詩詁今詳魴狀  
腹平著地故得偃名永嘉郡記際湖溪中多大魴  
有流得一或者鬚大五六圍魏武四時食制悉魴





魚名者通作賴本草黃賴魚一名鯀魚無鱗卑雅鯀魚其膽春夏近上秋冬近下馥案即黃賴魚羣游作聲軋軋故又名

鯀魚

鯀

魚名從魚瞢聲

切

魚名者南越志鯀魚屬也韓詩外傳瓠已鼓瑟鯀魚出聽

鯀

魚名從魚翁聲

切

魚名者本草漳州海中有海鯀魚取其糞乾之盛器可辟蠅

鯀

魚名從魚召聲

切

魚名者山海經謂水南流注於河其中有鯀父之魚其狀如鯀魚而龍身食之已嘔異苑諸魚欲產鯀魚輒以頭衝其腹鯀魚自生亦更相撞觸俗謂眾魚之生母

鯀

魚名從魚厥聲

切

居衛

魚名者玉篇鰕魚大口細鱗斑彩爾雅翼鰕魚正口而細  
鱗鬚鰕皆圓黃質黑章皮厚而肉緊特異常魚其斑文尤  
鮮明者雄也稍晦味者雌也凡牛羊之屬有肚故能嚼魚  
無肚不嚼鰕有肚能嚼木草鰕魚背有黑點味尤重昔仙  
人劉憑常食石桂魚今此魚猶有桂名恐是此也生江溪  
間山海經注鰕魚大口大目細鱗有斑彩鰕飼曰鰕魚之  
摯者決吻鰕詩鰕鰕鰕鰕鰕鰕鰕鰕鰕鰕鰕鰕鰕鰕鰕鰕  
魚之美者張志和漁父詞桃花流水鰕魚肥

鰕

白魚也從魚取聲

土垢切

白魚也者史記貨殖傳鰕干石鰕干釣正義鰕謂雜小魚  
也鮑白也藝案當云鮑謂雜小魚也鰕白魚也字或作鰕  
玉篇鰕白魚也

鰕

魚名皮可為鼓從魚單聲

常演切

魚名者木書鼉下云木蟲似蜥易長大野下云文如鼉魚  
史記索隱引作鰕魚禹四海異物江鰕郎注鰕或作鼉鰕  
狀如蜥蜴長六七尺呂氏春秋古樂篇鼉頤項令鰕先為樂  
倡鰕乃偃浸以其尾鼓其腹史記太史公自序鼉鰕與處

馥案今人所食鰾魚其形似蛇者名為蛇鰾本書鰾下云  
 非蛇鰾之穴無所底後漢楊震傳蛇鰾卿大夫服之象也  
 其形似鰾又小如蛇故名蛇鰾本草蜀木圖經云生湖畔  
 士窟中形似守宮而大長丈餘背尾俱有鱗甲今江南諸  
 州皆有之皮可為鼓者古文苑蜀都賦注引同夏小正  
 二月剝鰾以為鼓也李斯上書樹靈鰾之鼓通作鰾詩靈  
 臺鰾鼓逢逢周書王會稽以鰾注云其皮可以冠鼓月  
 令季夏伐蛟取鰾注云甲類皮可以冒鼓高注淮南時則  
 訓鰾魚屬皮可以作鼓上林賦樹靈鰾之鼓張揖注以鰾  
 皮為鼓也通作鰾本草鰾魚生南海池澤陶云鰾皮可以  
 冒鼓單臂者後漢書馬融傳右提蛟鰾與淵鰾為韻注云鰾音壇

鰾  
 魚名出葦耶頭國從魚免聲切

魚名者戴侗曰鰾海魚似鰾而肉粗杜寶大業拾遺錄吳  
 郡獻海鰾乾脂帶以示羣臣曰今日之鰾來數千里亦是  
 一時奇味又云鰾魚大者長四五尺鱗細紫色無細骨不  
 腥出葦耶頭國者葦耶頭東夷也徐鍇曰廣韻滅貊夫  
 餘國名或作獺貊漢志樂浪郡有耶頭味周書王會北有  
 稷慎東則滅貊魏志滅南與辰韓北與高句麗沃沮接後

漢書東夷傳濊及沃沮句驪本皆朝鮮之地哀宇記濊國亦朝鮮之地白雲與句驪同種言語法俗大抵相類山海經貊國在漢水東北郭注今扶餘國即濊貊故地魏志大餘國其印文言濊王之印國有故城名濊城蓋本濊貊之地而夫餘王其中後漢書東夷傳夫餘國在玄菟北千里北有弱水地方二千里本濊地也

𩺰

魚名出葦邪頭國從魚分聲

切符分

魚名者釋魚鮓郭注鮓出葦邪頭國見呂氏字林通作斑魚秦魏畧濊國出斑魚皮漢時恆獻之郭義恭廣志斑文魚出東夷濊國獻其皮通典濊亦朝鮮之地東

𩺰

魚名出樂浪潘國從魚虜聲

切郎古

出樂浪潘國者樂浪即周書王會之夏夷潘徐鍇本作番漢志樂浪郡無潘國隋書新羅國在高麗東南居漢時樂浪之地

𩺰

魚名狀似蝦無足長寸大如叉股出遼東從魚區聲

豈俱

切

狀似蝦無足長寸大如叉股者無字衍  
集韻引作狀如鰕足長寸大如叉股

鯀

魚名出樂浪潘國從魚妾聲

七接切

魚名者或通作妾釋魚鮓鮓鮓郭注小魚也似鮓子而  
黑俗呼為魚婢江東呼為妾魚居易錄白妾魚一名婢妾  
臉如芙蓉膚如凝脂有天然肉結長四尺五寸臍下有帶  
白光映人作脂香脆水陸無方者馥案或云此魚行以三  
為率一  
前二後

鮓

魚名出樂浪潘國從魚宋聲

博蓋切

魚名者北山經敦水其中  
多鮓鮓之魚食之殺人

鮓

魚名出樂浪潘國從魚刺聲一曰鮓魚出江東有兩

乳

居六切

魚名出樂浪潘國一日鮑魚出江東有兩乳者晉書音義引云鮑魚出樂浪潘國一名江豚多膏少肉一日出江有兩乳字林鮑魚有兩乳出樂浪一日出江徐鍇本一日鮑出九江有兩乳一日溥浮廣雅鮑魚也玉篇鮑魚一名江豚欲風則踊本草江豚別名鮑魚魏武帝食制謂之鮑史記伍子胥傳縣東門之上正義東門鮑門謂鮑也郭注爾雅鮑魚尾如鮑魚廣韻鮑魚名亦作鮑又江豚別名天欲風則見埤蒼鮑魚也王隱晉書夏統常舉戩船登舟作鮑魚之狀楊慎曰說文鮑魚葉子奇曰奔鮑也名淵非魚非鮫色如鮑有兩乳在腹下雌雄陰陽類人

鮑

魚名出樂浪潘國從魚沙省聲

所加切

魚名云云者六書故引同又云瀛海中所產以其皮如沙而得名哆口無鱗胎生其類尤多大者伐之盈舟寰宇記

漳州出鮑魚皮

鮑

魚名出樂浪潘國從魚樂聲

盧各切

鮑

魚名出貉國從魚義省聲

相然切

鰓

魚名皮有文出樂浪東曉神曾四年初捕收輸考工

周成王時揚州獻鰓從魚齔聲

魚容切

魚名皮有文者史記司馬相如傳鰓鰓鰓徐廣曰鰓音娛皮有文出樂浪又馬鰓鰓徐廣曰鰓鰓魚牛也漢書注郭璞曰鰓鰓皮有毛黃地黑文閏二年左傳歸夫人魚軒服虔曰魚獸名詩采薇象引魚服傳云魚服魚皮也陸璣疏魚服魚獸之皮也魚獸似豬東海有之一名魚狸其皮背上斑文腹下純青今以為弓鞬步叉者也出樂浪東曉者本書曉下云樂浪有東曉縣漢志同周成王時揚州獻鰓者周書王會揚州馬鰓

鰓

魚名從魚庸聲

蜀容切

魚名者史記鰓鰓鰓張融海賦魚則何懼鰓鰓戴侗曰今海魚肉如菰謂之鰓東山經椒蟲之山食水出焉而東北流注於海其中多鰓鰓之魚其狀如犂牛其音如瓦鳴陳藏器本草鰓魚嶺南人作鮑魚劉元紹云其臭如屍海人食之所謂海上逐臭之天也

鰾

鰾鰾魚名從魚則聲

昨則切

鰾鰾魚名者鰾小字本作烏玉篇作鰾晉書夏統傳操施  
 正櫓折旋中流何作鰾鰾躍後作鰾鰾引鰾即烏鰾也字  
 又作鰾周書伊尹受命於湯賜鰾鰾之醬是也爾雅鰾鰾  
 鰾狀如革囊兩帶極長腹中有墨背上獨一骨形如榜捕  
 子而長名海鰾鰾古今注烏鰾一名河伯度事小史一切  
 經音義十七坤蒼鰾鰾魚腹中有骨出南郡背有一骨闊  
 二寸許有髻甚長口中有墨鰾則漢人臨海記云以其懷  
 板含墨故號小史魚也鰾鰾曰鰾鰾形如革囊口在腹下  
 下足生口旁兩須如纜又名鰾鰾鰾腹有墨又名鰾鰾鰾  
 錄異鳥鰾魚只有骨一片如龍骨而輕虛以指甲刮之即  
 為末亦無鱗而肉翼前有四足每潮來即以二長足捉石  
 浮身水上有小蝦魚過其前即吐涎惹之取以為食廣州  
 遼海人往往採得大者率如蒲扇燥熟以薑醋食之極脆  
 美或入鹽渾淹為乾梗如脯亦美吳中好會之元和郡縣  
 志明州貢烏鰾骨玉篇鰾又作鰾諸書通作鰾曹昆揚都  
 賦魚則琵琶烏鰾鰾南越志烏鰾魚常自浮水上烏見以爲  
 灰便往啄之乃卷取烏故謂之烏鰾今雅烏化爲之又云  
 烏鰾魚有厠遇風浪便起虬前一鬚下厠而住腹中血及

說文解字義證

卷三十六

巳

連筠移叢書



膳正黑中書世謂烏賊懷墨而知禮故俗曰是海君白事  
小史江東人或取其墨書契以給人物書迹如淡墨逾年  
墨消空紙耳本草烏賊魚生東海池澤陶隱居云此是鰐  
鳥所化作今其口脚具存猶相似耳其魚腹中有墨今作  
好墨用之圖經云能吸波吸墨以溷水所以自衛使水匿  
形不為人所害又云性嗜烏每曝水上有飛鳥過謂其已  
死便啄其腹則卷取而食之以此得名言為鳥之賊害也  
形若革囊口在腹下人足聚生口旁只一骨厚三四分似  
小舟輕虛而白又有兩鬚如帶可以自縊故別名縊魚萬  
震烏賊魚贊魚有烏賊絕短入足集足在口縊喙在腹形  
類鞋襪其名烏賊吸波吸墨迷射水懸字又作魷夢  
溪筆談宋明帝好食密漬魷魷乃今之烏魷腸也

魷或從卽

魷

海魚名從魚台聲

徒哀切

海魚名者史記正義李善注七命所引竝同古文苑蜀都  
賦注引亦同顏注急就篇魷海魚也鹽鐵論萊黃之魷不  
可勝食釋詁魷背考老壽也舍人曰背若魷魚也釋名九  
十日魷背詩行葦黃耆台背箋云台之言魷也大老則背

有鮐

文

鮐

海魚名從魚白聲

切

徐鍇本有讀若書白不黑六字

海魚名者廣韻作鮐集韻音杞廣雅鮐鱗也廣案此魚無鱗燕尾大者長七八尺肉不美其子可鹽藏登萊人重之

新字林云魚子脯口臙子

鮐

海魚名從魚憂聲

切

及當作夏

海魚名者戴侗曰鮐肉似臙肉漢書王莽傳啗鮐魚顏注

鮐海魚也音電曹植表先王喜鮐魚臣前以表徐州臧霸

遺鮐魚二百枚足以供事魏志宋盧國入好捕鮐魚水無

深淺皆沈沒取之後漢書伏隆傳張步遣使隨隆詣關上

書獻鮐魚注云郭璞注三蒼云鮐似蛤偏著巨廣志曰鮐

無鱗有殼一面附石細孔雜雜或七或九本草云巨決明

一名鮓魚焦氏筆乘顏之推云鮓卽石汶明肉旁一年一孔至十二孔而止以合歲數登州所出其味珍絕然漢以前未聞其貴至王莽欲敗時但飲酒啗鮓魚而光武時張步據青徐遣使詣闕上書獻鮓魚又臨淄太守吳良賜鮓魚百枚則兩漢時已自珍之

鮓

海魚皮可飾刀從魚交聲

古肴切

海魚者玉篇鮓鮓魚陳藏器本草沙魚一名鮓魚子隨侍行驚卽從口入母腹其魚狀兒非一皮上有沙堪指木如木賊也李時珍云鮓魚長丈許腹有兩洞貯水卷子一腹容三四子朝從口出暮還入母腹楊浮交州異物志鮓之爲魚其子既育驚必歸母還入其腹小則如之大則不復陳啟源曰鮓魚一名沙魚背皮粗錯如眞珠瓣有鹿沙虎沙錄沙諸種出東南近海郡任昉述異記虎魚老則爲鮓漢書司馬相如傳其中則有神龜蛟龍張揖曰蛟狀魚身而蛇尾皮有珠顏師古曰張說蛟者乃是鮓魚非蛟龍之蛟也皮可飾刀者廣韻鮓魚名皮有文可飾刀戴侗曰海魚鮓類其皮麤錯堅厚可飾刀室蟲異賦注鮓海魚也似鼈而無足背紋粗錯皮閒有珠可以飾刀本草鮓魚皮

卽裝刀鞞鰭魚皮也異物志鰭魚皮可以飾刀其子驚則人腹中剌欣期交州記鰭魚出合浦長三尺背上有甲珠文堅強可以飾刀口又可以鑲物山海經漳水多鰭魚注云鰭魚類也皮有珠文而堅尾長三四尺未有毒螫人皮可飾刀劍口錯治材角今臨海郡亦有之湯問方獻令請令以魚皮之鞞孔注鞞刀削尚書大傳南海魚革注云魚革今以飾小車之輹兵室之口後漢輿服志佩刀乘輿黃金通身貂錯半鰭魚鱗金漆錯雖黃室五色鰭隱室華吳都賦扈帶鰭魚五臣云鰭魚者以鰭皮飾刀腹案其皮又可爲甲荀子議兵篇楚人鰭革犀兕以爲甲注云以鰭魚皮及犀兕爲甲是也又可飾旗孝經長神契鰭珠旗朱均曰鰭魚之珠有光耀可以飾旗是也其須又可飾笏三禮圖大夫笏飾以魚須初學記注云鰭魚須是也新唐書地理志永嘉郡臨海郡漳浦郡俱貢鰭革通典永嘉郡貢鰭魚皮三十張漳浦郡二十張潮陽郡十張臨海郡百張元和郡縣志溫州貢鰭魚皮三十張

鰭魚

海大魚也從魚𩚰聲春秋傳曰取其鱣鰈

切

海賦魚則橫海之鰭吳都賦於是乎長鯨吞航脩鰈吐浪莊子逍遙遊北冥有魚其名爲鰈釋文鰈大魚名也崔謨

云鯨當為鯨簡文同風土記海中有鯨魚長數千里穴處海底出則潮下入則潮上出入有時故有上下魏武四時會制東海有大魚如山長五六里謂之鯨鯢次有如屋者時或岸上膏流九頃其鬚長一丈廣三尺厚六寸瞳子如三升碗大骨可為方曰寰宇記惠州海豐縣多鯨魚其大吞舟漁人於海嶼上得鯨頭骨如數百斛圖頂上一孔大於獲俗以為珠穴異物志鯨魚長數十里或或沙中得之者皆無目俗云其目化為明月珠也廣州記鯨鯢長百丈大亦稱之雌曰鯢雄曰鯨目即明月珠也廣州記鯨鯢長百丈大亦稱雲日崔豹古今注鯨海魚也大者長千里小者數十丈一生數萬子常以五月六月就岸邊生子至七八月導引其子還入海中鼓浪成雷噴沫成雨水族驚畏之皆逃匿其敢當其雌曰鯢大者亦長千里眼睛為明月珠曹昆觀海賦於是神鯨來往乘波躍鱗噴氣合霧噫水成津骸喪成島嶼之墟日落為明月之珍吳筠傲江神文按驪龍取其領下之珠搦鯨魚拔其眼中之寶唐書黑水靺鞨傳大拂涅開元天瞳夜可以鑒謂之夜光唐書黑水靺鞨傳大拂涅開元天寶間獻鯨睛春秋孔演圖海精赤彗星出注云海精鯨魚而赤是將有兵相殺之祥也故天應之以妖彗淮南覽其

訓鯨魚成而彗星出高

注鯨魚大魚也者一切經音義十九詩叔重注淮南子云鯨魚

之王也李善注吳都賦魚大者莫若鯨也楚詞九懷鯨鯢

今幽潛注云鯨鯢大魚也後漢書班固傳於是發鯨魚注

云海岸中有大魚名鯨春秋傳曰取其鯢鯢者宣十二

年左傳文彼云取其鯨鯢而封之杜注鯢鯢大魚

名後漢書薛宣傳古者明王伐不敬取其鯢鯢

鯨或從京

木書廣或从京

鯨魚骨也從魚𩺰聲古杏切

魚骨也者後漢書來獄傳注引同又云食骨謂咽中為鯢集韻引字林亦同

鱗魚甲也從魚𩺰聲力珍切

魚甲也者玉篇鱗魚龍之鱗也管子四時篇陰生金與甲注云陰氣凝結堅實故生金為爪甲也呂氏春秋孟春紀

其蟲鱗高注鱗魚屬也龍為之長許注淮南時則訓鱗龍之屬也

𩚑

魚臭也從魚生聲

桑經切

魚臭也者當為殭𩚑或作鯢廣雅鯢臭也通作𩚑通俗文魚臭曰𩚑又作腥呂氏春秋水居者腥急就篇肌膂膂膂腥者魚之臭腥者魚之臭

𩚑

魚臭也從魚臬聲周禮曰膳膏𩚑

蘇遭切

鮮臭也者玉篇鯢鮮鯢也廣雅鯢臭也晏子春秋會魚無反則惡其鯢周禮膳膏鯢者天官庖人文彼作膳鄭司農云膏臊豕膏也杜子春云膏臊犬膏非本書義

𩚑

魚脂膏也出蜀中從魚旨聲一曰鮐魚名

旨夷切

玉篇有古文從示

魚脂膏也者本書脂豕肉脂也博物志西羌仲秋月取赤頭鯢以為鮐陸氏詩疏鮐魚子可為脂晉武帝與山濤書

養魚

藏魚也南方謂之魴北方謂之魴從魚聲

例下切

玉篇有籀文作魴

兼致魚腦一斗齊民要術作魚腦法魴魚第一鯽魚亦中大率魚一斗黃衣三升白鹽二升乾薑一升橘皮一合調均內饗子中泥封日暴熟以酒解之廣雅魴鱖也釋器魚謂之魴郭注魴魴屬也公食大夫禮牛魴注云內則謂魴為膾然則膾用魴出蜀中者集韻蜀以魚為膾日魴廣志武陽小魚大如鰕一升千頭蜀人以為膾脂通作治續漢書犍為郡南安縣有魚涪津通鑑建武十二年吳漢破公孫述將魏黨公孫禾於魚涪津注云涪音浮一日魴魚名者集韻引作一日魚名魴也爾雅釋文魴字林作魴巨救反魴字林作魴音格云當魴也木書魴叔魴魴當互或案當依字林作魴叔魴魴當互魴即當互或有謂魴為魴者故魴一日魴魚名

藏魚也者周禮膳夫共祭祀之好羞注云若荊州之魴魚字或作魴世說有人遺張華魴者華見之曰此龍肉也遂以苦酒沃之魴中有五色光吳司徒孟宗為雷池監以魴餉母世說以為陶侃事唐書地理志孟州貢黃魚魴又通



靈戶楊氏聚

作差衛庚公差字子魚俗作鮮釋名鮮菹也以鹽米醃魚而為菹也楊泉五湖賦鹹鹽白糝雜以菜菜連咽柳鮓積如陵邱陶侃故事蘇峻上成帝十斛鮓陸璣詩疏鮓魚大者千餘斤可為鮮南越志鮓魚大如五斗險長丈黃肥唯以作鮮謝元與兄書手釣所獲魚為二坵鮮今奉送唐書地理志潤州土貢鮓鮮齊民要術凡作鮮取新鯽魚去鱗使鱗別有皮水浸漉著盤中以白鹽散之廷去水炙一半炊秬米飯為糝并菜莢橘皮好酒合和之布魚於糝中行魚一行糝赤漿出傾卻白漿出味酸便熟南方謂之鮓者集韻南方謂鮓曰鮓鮓謂鮓鮓聲相近

鮓也一曰大魚為鮓小魚為鮓從魚今聲祖參

鮓也者鮓或作鮓廣雅鮓鮓也 一曰大魚為鮓小魚為鮓者玉篇鮓大魚為鮓小魚為鮓鮓鮓曰鮓鮓魚也越人以大者為鮓細者為鮓



鮓魚也從魚包聲

薄巧切

鮓魚也者鮓鮓引唐本作鮓魚也鮓案釋名鮓魚鮓鮓也埋藏奄使腐臭也玉篇鮓鮓魚也今謂鮓魚陶注本草鮓

魚俗人呼為鮑魚字似鮑又言鹽鮑之以成故也顏注急就篇鮑亦海魚加之以鹽而不乾者也戴侗曰鮑澁魚也以鹽澁而暴藏之海魚惟澁藏能久家語與不善人居如人鮑魚之肆久而不聞其臭易林敗魚鮑室臭不可息史記秦始皇本紀棺載輜涼車中會暑上輜車臭乃赦一戶鮑魚以亂其臭論語藏漸於蘭則芳漸於鮑則臭說苑顏淵曰回聞鮑魚之味注云鮑者不同篋而藏篋案乾魚亦為鮑周禮籩人膳鮑魚鱠注云鮑者於福室中糗乾之出於江淮也史記貨殖傳鮑干鈞索隱鮑膊魚也謂破開中頭尾不相離為鮑謂之膊關者也

𩺰

蟲連行紆行者從魚令聲

郎丁切

蟲連行紆行者者腹謂者當為兒廣韻𩺰魚連行兒鄭注考工記云連行魚屬紆行蛇屬

𩺰

𩺰也從魚段聲

乎加切

𩺰也者本書駁下云馬赤白雜毛謂色似銀魚也故案𩺰一名斑魚馬色似之

𩺰

大𩺰也從魚高聲

胡到切

靈石楊氏栞

大鰕也者吳都賦單鰕鰕五臣云鰕鰕大魚名也釋魚鰕大鰕郭注鰕大者出海中長二三丈鬚長數尺今青州呼鰕魚為鰕鰕案郭以為長須之蟲非本書義

𩚑

當互也從魚咎聲

其久切

玉篇無此字

當互也者釋魚文彼作𩚑郭云海魚也似鰕而大鱗肥美多鰕今江東呼其最大長三尺者為當𩚑釋文鰕字林作鰕音格云當𩚑也複案本書應與字林同今同爾雅者或後人改之也今猶謂鰕魚為鰕魚類篇鰕魚出有時吳人以為珍即今鰕魚戴侗曰鰕魚似鰕而大生江海中四五月上肥美而多骨江南珍之其出有時又謂時魚鰕謂時時二字當為鰕張融海賦魚則何羅鰕鰕集韻鰕與鰕同按異物志鰕魚鰕鳥所化故腹中有鳥腎二枚

𩚑

大貝也一曰魚膏從魚亢聲讀若岡

古郎切

大貝也者釋魚貝大者𩚑釋文字林作𩚑云大貝也江賦紫蛭如渠注引爾雅大貝曰𩚑一曰魚膏者淮南萬畢

術取蚌脂為燈置水中即見諸物楊慎曰鮎魚即蝦婦魚也多膏以為燈照酒食則明照紡績則暗佛經謂之燈燈云

鮎

蚌也從魚丙聲

兵禾切

蚌也者廣韻鮎蛤鮎與麤廣同本書麤蛙也

鮎

蚌也從魚吉聲漢律會稽郡獻鮎牂

王乙切

蚌也者集韻鮎鮎大蛤抱朴子小蟹不歸而鮎敗漢書地理志會稽鄞縣有鮎埼亭顏注鮎音結蚌也長一寸廣二分有一小蟹在其腹中埼曲岸也其中多鮎故以名亭字或作鮎述異記淮海之人呼璫鮎為蟹奴江賦璫鮎腹蟹注云南越志璫長寸餘大者長二三寸腹中有蟹子如榆莢合體共生俱為鮎取食漢律會稽郡獻鮎牂者徐鍇本有三斗二字王應麟漢制考引同

鮎

魚名從魚必聲

毗必切

魚名者釋魚鯢鮪  
郭注似鯢子赤眼

鯢

魚名從魚瞿聲九遇切

玉篇無

此字

鯢

魚名從魚侯聲平鉤切

魚名者廣志鯢魚一名河豚輟耕錄類篇引博雅云鯢鮪也背青腹白觸物即怒其肝殺人正今人召為河豚者也然則豚當為鮪腹案今廣雅鮪誤作鮪玉篇鯢鮪也食其肝殺人本草集解河豚一名鯢鮪戴侗曰亦謂之鯢又謂烏狼亦謂探魚其黃者謂之黃鯢尤毒生淡水者謂之河豚本草橄欖療鯢鮪毒人誤食此魚肝迷悶者可煮汁服之必解

鮪

骨崙脰也從魚周聲都僚切

骨崙脰也者徐鍇本作魚骨崙脰錯曰小魚也玉篇鮪魚名腹謂魚名鮪其骨崙脰本書脫魚字

鯀 然鯀鯀從魚卓聲 都教切

玉篇無此字

鯀然鯀鯀者詩作單徐錯曰

鯀鯀眾也廣雅淖淖眾也 鯀鯀鯀從魚友聲 北末切

玉篇無此字

鯀鯀鯀鯀者詩碩人作發發傳云發發盛貌釋文馬云魚著同尾發發然韓詩作鯀呂氏春秋注引作發發荀子榮辱篇鯀鯀者浮陽之魚也注云鯀鯀魚名今字書無鯀字蓋當為鯀說文云即鯀鯀鯀鯀字蓋鯀魚一名鯀鯀

鯀 鯀魚出東萊從魚夫聲 甫無切

鯀魚者趙宦光曰鯀上當有鯀字故案廣韻鯀下云鯀鯀魚名出東萊者今萊州三四月開此魚極多大頭豐骨色微紅萊人謂之夾鯀

鯢 鯢魚名從魚其聲 渠之切

魚名者玉  
篇鯢鯢鯢

魼 魚名從魚兆聲 治小切

魚名者本書魼大鯢也其小者名魼兩雅同廣  
韻魼魚名似魼而大集韻魼魚名似魼白色

𩺰 魚名從魚匕聲 呼跨切

匕聲者或作𩺰廣韻𩺰五禾切  
魚名又或作𩺰集韻𩺰與𩺰同

𩺰 新魚精也從三魚不變魚 相然切

新魚精也者精或作鯖西京雜記婁護游五侯之門每月  
五侯餽鮓之婁合所餽為鯖稱五侯鯖周禮獻人辨魚物

為鮓晏注云鮓生也鮓乾也又膳夫凡其炙生鮓鮓之物  
鄭司農云鮓謂生肉鮓謂乾肉又庖人冬行鮓羽膳膏鹽

杜子春云鮓魚也江賦食惟疏鮓通作鮓書益稷暨稷播  
奏庶艱食鮮食鄭本作鮓云鮓食謂魚醢也詩韓奕魚鼈

鮮魚箋云鮮魚中膾者也蜀都賦鮮以紫鱗劉達注鮮魚  
膾也內則冬宜鮮羽膳膏膾注云鮮生魚也顧炎武曰史  
記陸賈傳數見不鮮必秦時人語  
猶今人所謂常來之客不殺雞也

文一百三 重七

𩚑

二魚也凡魚之屬皆從𩚑

語居切

二魚也者徐  
錯本下云關

𩚑

捕魚也從𩚑從水

語居切

捕魚也者易繫辭以佃以漁馬云取獸曰佃取魚曰漁詩  
魚麗傳獺祭魚然後漁正義謂獺聚其魚以祭先然後可  
捕魚耳釋文漁本或作獻同取魚也馥案周禮有獻人隱  
五年左傳遂往陳魚而觀之杜注陳設張也公大設捕魚  
之備而觀之文子堯使水處者漁尸子燧人之公大設捕魚  
水故教人以漁魯連子古善漁者宿沙濯子漢書地理志  
舜漁雷澤顏注漁捕魚也江賦或漁或商五臣注漁謂捕  
魚人也初學記漁之爲事也有釣網罟筌罾罾罾罾罾罾



荀璽梁罽算鍾銘之類各以川之得魚一也從魚從水者當云鰮亦聲

鰮篆文鰮從魚

從魚者為篆文是鰮本籀文

文二 重一

燕 玄鳥也。鷗口布。被枝尾象形。凡燕之屬皆從燕。於旬切

釋鳥。周下云燕。燕。鷗。本。書。嵩。下。云。周。燕。也。以。上。燕。字。屬。嵩。下。燕。字。屬。鷗。或。曰。詩。燕。鷗。于。飛。漢。童。謠。燕。鷗。尾。涎。涎。皆。連。言。之。被。案。左。傳。疏。云。或。單。呼。燕。或。重。名。燕。鷗。異。方。語。也。證。謂。雙。飛。則。稱。燕。鷗。古。詩。思。為。雙。飛。燕。鷗。泥。巢。君。屋。春。秋。運。斗。樞。瑤。光。星。散。為。燕。莊。子。山。木。篇。鳥。莫。知。於。鷗。鷗。司。馬。彪。云。鷗。鷗。燕。也。陶。注。本。草。鷗。有。兩。種。有。胡。有。越。紫。鷗。輕。小。者。是。越。鷗。鷗。斑。黑。鷗。大。者。是。胡。鷗。鷗。經。燕。背。飛。向。宿。又。云。燕。以。狂。而。夏。小。正。二。月。來。降。燕。乃。睇。燕。乙。也。降。者。下。也。言。來。者。何。也。莫。能。見。其。始。出。也。故。曰。來。降。言。乃。睇。何。也。睇。者。眇。也。眇。者。視。可。為。室。者。也。魏。明。帝。短。歌。行。翩翩。春。燕。端。集。余。堂。陰。匿。

陽顯節遲自常厥貌淑美元衣素裳銜上繕巢有式宮房不  
規自固無矩而方傳咸燕賦序有言燕今年巢在此明歲  
故復來者其將逝翦爪識之其後果至易馥案蕭詮詠銜泥  
燕詩爪截還猶短夏小正陟玄鳥勢陟升也元鳥者燕也  
陟而後勢也馥案晉中興書郊塗與千餘家遊難於魯國嶧  
山掘野鼠勢燕而食之古詩翩翩堂前燕春藏夏來見夏候  
燕玄鳥賦順陰陽以出處隨寒暑而游勢又云及至大火西  
景南風吹衣遂匿形於深穴倣六廟而不飛寰宇記壽陽縣  
多黃鳥因以名之嶺

玄鳥也者本書乙玄鳥也初學記燕一名玄鳥齊人呼乙  
廣雅玄鳥燕也戴侗曰燕乙意而皆因其臂而命之玄則  
以其色也夢溪筆談世以玄為淺黑色不然也玄乃赤黑  
色鷖羽是也故謂之玄鳥周書時訓解春分之日玄鳥至  
月令仲春之月玄鳥至以其色玄故謂之玄鳥蔡氏章句  
玄鳥燕也月令仲秋之月玄鳥歸注云玄鳥燕也五經鉤  
沈桃林披華而玄鳥入宇爾口市張枝尾者謂鸛引作  
岐尾木書爾籍也西都賦列琴榛以作屋詩燕燕之詩云  
迨其羽謂張舒其尾翼正義實量也而兼言尾者以飛時  
尾亦舒張故也象形者本書燕者請子之候作巢避戊

己所貴者  
故象形

文一



鱗蟲之長能幽能明能細能巨能短能長春分而登

天秋分而潛淵從肉飛之形童省聲凡龍之屬皆從

龍力鐘切

莊君述祖曰鐘鼎文龍字从辰巳之巳右邊作巳巳為蛇象  
龍蛇同類河圖黃金千歲生黃龍青金千歲生青龍赤金  
千歲生赤龍白金千歲生白龍玄金千歲生玄龍抱朴子  
有自然之龍有蛇蠋化成之龍春秋元命包龍之言萌也  
陰中之陽故言龍舉而雲興初學記引淮南子夫蛟龍伏  
潛於川而卵剖於陵其雄鳴上風其雌鳴下風而化者形精  
之至也人不見龍之飛舉而能高者風雨奉之也管輅別  
傳龍首陽精以潛於陰幽靈上通和氣感神二物相扶故能  
興雲韓非說難夫龍之為蟲也可懷狎而騎也然其喉下有逆鱗徑尺人有嬰之則必殺人

鱗蟲之長者後漢書注引同曾子聞諸夫子鱗蟲之情者  
曰龍任子蠃龍為介蟲之長論衡龍虛篇傳言鱗蟲三百  
龍為之長星經注凡有鱗之類皆屬於水故龍為鱗蟲之  
長淮南時則訓其蟲鱗注云鱗蟲龍為之長能幽能明  
云云者初學記引云能幽能明能小能大能長能短春分  
而登天秋分而入川後漢書注引云能幽能明能小能大  
能短能長春分而登天秋分而入川白帖龍能明能小能大  
大能長能短春分而登天秋分而入池順也玉篇龍能幽  
明大小登天潛水也廣雅龍能高能下能小能巨能幽能  
明能短能長淵深是藏敷和其光管子水地篇龍生於水  
被五色而遊故神欲小則化如蠶蠋欲大則藏於天下欲  
上則凌於雲氣欲下則入於深泉變化無日上下無時謂  
之神鄭注大傳龍蟲之生於淵行於無形游於天者也瑞  
應圖黃龍者四龍之長四方之正色神靈之精也能巨能  
細能幽能明能短能長乍存乍亡賈誼書龍之神也其惟  
茲乎能與細細能與巨巨能與高高能與下下能為大能為  
變無常能幽能明能章說苑神龍能為高能為下能為大能為  
小能為幽能為明能為短能為長昭乎其高也淵乎其下  
也薄乎天光高乎其著也一有一亡忽微哉斐然成章虛  
無則精以和動作則靈以化於戲允哉君子辟神也法言

靈石楊氏栞

問神篇或曰龍必欲飛天乎曰時飛則飛時潛則潛既飛且潛會其不妄形其不可得而制也歟易林龍生於淵因風昇天後漢書張衡傳夫玄龍迎夏則陵雲而奮鱗樂時也涉冬則泥沉而潛蟠避害也傳元龍贊麗哉神龍誕應陽精潛景九淵飛曜天庭屈伸從時變化無形偃伏汙泥上凌太清劉琬神龍賦大哉龍之為德變化屈伸隱則黃泉出則升雲從肉飛之形童省聲者韻會引作从肉旨肉飛之形戴侗引唐本从肉从飛及童省德案古人制字凡貴者象形魚既象形則龍不應諧聲王君念孫曰古龍字當作𪚩上象其角下象其飛騰之形



龍也從龍龍聲

郎丁切



龍兒從龍含聲

日含切

含聲者本書初刻作合改為含小字本李燾徐鍇本包希魯補義並作合戴侗曰徐本合聲唐本今聲玉篇作龕从今九經字樣龕從龍從今聲作龕訛增韻龕上从今俗从合誤五音集韻龕俗作龕六書正譌龕從龍合聲俗作龕非字鑑說文龕从龍合聲增韻上从今古字誤古銅印作龕从合釋言詢龕也釋文字或作含本今作龕顧炎武唐

韻正說文龍从龍合聲合平聲則音含釋名含合也合口  
停之也續漢與服志鳳皇圖載薛綜曰圖之言面也馥謂  
當依唐本從今本書韻讀若含謝朓詩西龕收組練李善  
云龍與馥音義同馥案馥本作或從今聲廣韻覃部字如  
伎皆從今聲



龍者脊上龍龍從龍干聲古賢切

龍者脊上龍龍者徐錯韻譜玉篇  
廣韻立作脊集韻龍龍背堅骨



飛龍也從二龍讀若杏徒合切

飛龍也者也當為兒玉篇龍飛龍兒  
廣韻龍飛之狀易乾卦飛龍在天

文五



鳥翥也象形凡飛之屬皆從飛甫微切

鳥翥也者自虎通鳥所以飛者何鳥者陽也飄輕故飛也  
象形者徐錯曰上羽飛者象鳥頭頸長毛馥案凡從飛

而利不見是飛之左右皆象羽

**翬** 翬也從飛與聲

與職切

翬也者易明夷于飛垂其翼書皋陶謨庶明勵翼正義言如鳥之羽翼而奉戴之

**翼** 篆文翼從羽

篆文從羽則從飛者本籀文徐錯木機籀文翼玉篇同

### 文二 重一

**非** 違也從飛下翬取其相背凡非之屬皆從非

甫微切

違也者廣雅同書說命無恥過作非從非下翬取其相背者隸作非即飛之下體

**斐** 別也從非己聲

非尾切

別也者本書斐分別文也周禮大宰匪頒之式先鄭云匪分也廩人掌九穀之數以待國之匪頒後鄭云匪讀為分

𡗗 披靡也從非麻聲

文彼切

披靡也者本書族旌旗披靡也史記項羽本紀項王大呼馳下漢軍皆披靡

𡗗 相違也從非告聲

苦到切

相違也者玉篇

乖理相違也

𡗗 牢也所以拘非也從非陞省聲

遼兮切

牢也者所以拘非也者一切經音義十三引同又云家語夫子周陞執之王肅曰陞獄牢也字從非陞省聲洪武正韻陞犴牢獄所以拘非也玉篇陞牢也所以拘罪人也俗作犴禮部韻犴犴獄名

### 文五

𡗗 疾飛也從飛而羽不見凡𡗗之屬皆從𡗗

息晉切

疾飛也者戴侗曰唐本說文隼从平省馥案爾雅鷹隼隼其飛也隼詩采芑箋云隼急疾之鳥也或通用迅後魏書

說文解字義證

卷三十六

七

連筠篠叢書



諸曹走使謂之覓鴨取飛之迅疾也

𦏧 回疾也從𠂔營省聲 渠營切

回疾也者徐錯本作回飛疾也廣韻榮回飛也

文二